

昌化縣誌





重脩昌化縣誌序



粵稽古昔盛時天子巡行方岳  
則陳詩以觀民風納賈以觀民  
好藹藹然下情無不上達也猗  
歟休哉後世深居簡出而殊方  
絕域日深

君門萬里之思然而山川分野戶

口稅糧以及土產人物風俗民  
情可以一覽而知者莫如誌書  
以故

天府藏之大臣採之誌之于邑誠重  
矣如瓊之昌化濱海錯山民黎  
雜處雖云蕞爾顧其中詎無山  
川星野之足述者乎詎無戶口



稅糧之當為記載者乎詎無土  
產人物以及風俗民情之可以  
傳聞而不容泯沒者乎然則他  
邑有誌昌不可以無誌也獨是  
今日之昌山川猶是也而荒涼  
愈甚星野猶是也而凶災頻仍  
戶口有成憲而殘孑寥寥稅糧

有定額而懸缺纍纍土產人物  
何以盡皆消耗風俗民情何以  
日流澆薄此豈天之所致歟抑  
亦人事之未善也余庚午歲始  
蒞茲土見地皆沙磧荆棘叢篁  
交列于道西環大海東拱崇山  
人烟村落茅簷不蔽風雨



滿目休囚驚心幾絕視事後即  
詢之父老考之舊籍知昌之為  
邑當極窮之地處極困之時而  
有萬不能堪者以浮糧六百為  
之累也夫昌邑正供每歲不過  
一千三百有零內加浮糧六百  
欲問之民則無田而稅民何以

堪欲問之官則無術點金官何  
從辦此誠心力交困之秋亦官  
民兩疲之日也嗚呼

皇恩屢下有不便於民者許其據實  
瀝陳昌之浮糧非不便之最者  
乎豈終壅

上聞乎普天下盡蒙



聖澤而昌獨以山城荒邑不獲邀  
恩當亦採風問俗者之所惕然惻念  
也遠倣陳詩納賈之意以上達  
九重使昌邑得免賠累之苦於以取  
斯民而噢咻之庶幾生聚之效  
可冀有成則是誌為昌邑至明  
至切之証可以見艱難之形可

以聞疾苦之聲是下情之得以  
上達者端賴有此誌也誌之于昌誠  
重矣哉是為序

省

皇清康熙叁拾年歲次辛未菊月河  
南懷慶府孟縣舉人知昌化縣  
事璩之璩謹撰





昌化縣誌書目錄

一卷

輿圖

沿革

星野

地理

疆域

山川

海港

潮汐

風土

城池

公署

祀典

二卷

昌化縣誌

目錄

一

都畜

賦役

戶口附

三卷

物產

古蹟

橋渡

墟市

亭坊

兵坊

原黎

平亂

四卷

秩官


附武職

附遊宦鄉紳

五卷



藝文



昌化縣志  
書目  
錄



昌化縣誌書卷之一

河陽舉人知昌化縣事璩之璨較正重刊

輿圖

自有此天地即有此輿圖先王建邦設都郡縣各有隸屬封疆自有界限昌邑僻在南服五指之支峻靈發其脉大海之內昌江環其流截長補短猶方百里也土宇不既式廊矣哉首輿圖










# 昌化縣志

昌化縣志

卷一

五





沿革

嘗謂王者有改制之名無變道之實故道隆則相沿道變則從革昌化縣治歷漢晉隋唐宋元明以來其間或沿或革非其相反迺所遭之變然也次沿革

漢至來縣隸儋耳郡唐昌化縣隸儋州武德間置宋昌化縣隸儋州開寶間置熙寧間省元豐間復置元至來縣隸儋州宋隸廣西行中書省至正明改儋州縣隸州陞瓊瓊唐虞來為楊越荒檄秦為越郡外境漢武元鼎

昌化縣誌

卷一

平南越以其地置珠崖儋耳二郡領瑇瑁苟中紫貝至來九龍五縣昭帝省儋耳入珠崖元帝罷珠崖置朱盧隸合浦東漢建武復置珠崖縣屬合浦郡吳省珠崖入合浦郡吳赤烏改縣為珠崖郡隸交州晉省珠崖入合浦郡宋復立珠崖郡梁廢儋耳置崖州陳因之時海南儋耳歸附馮洗氏馮洗氏迎武帝于丹陽拜陽春郡守俱統于廣州隋改崖州為珠崖郡置義倫毗善吉安三縣統于楊州刺史又析西南為臨振郡唐高祖武德中立儋州



領義倫昌化感恩富羅四縣太宗貞觀元年折昌化縣增置吉安縣隸嶺南道 宗天寶間改儂州為昌軍軍又省吉安增置洛場縣五代屬南漢分瓊崖儂萬四州以義倫昌化感恩隸儂州宋太祖開寶省洛場太宗改義倫為宜倫神宗以瓊州為瓊管安撫司廢儂州為昌化軍隸瓊管隋復昌化縣改瓊管為安撫都監高宗紹興廢昌化軍就宜倫縣隸瓊州隋以縣為軍使又復昌化軍而以縣還隸太守孫丹奏改昌化軍為南寧軍元世祖寶

昌化縣誌

卷一

七

州路安撫司又改為瓊州路軍民安撫司文宗改為乾寧軍民安撫司明太祖洪武元年三月征南將軍廖永忠克廣州七月元守臣陳軫富等納表降二年改南寧為儂州統宜倫昌化感恩三縣三年陞瓊州為府縣隸儂州縣治隋時置在今縣東南十五里即今之舊縣村也宋移今縣治南十里昌江二水洲中元因之洪武三年知縣董俊仍舊址建縣後罹水害正統八年知縣周振請于各憲廷今治千戶所城



按班固前漢書珠崖之民無地可著而置之南蠻傳中以其無罪見棄而謂之善人雖世服招撫五百餘年不絕于中國然未有郡縣也王桐鄉遂據此作風紀謂馬伏波未嘗征珠崖後漢未嘗有珠崖也漢光武綏未以仁始存前代郡名立縣招撫歷吳及晉相沿皆然梁大同中馮洗氏內屬九千五百八十年而後復今無可據矣存考可也

星野

周天三百六十五度四分度之一而二十八宿

昌化縣誌

卷一

八

分布于其上各有躔次度数之多寡而四海九州各置省府州縣之野有攸屬焉應驗固不愆也遷史天官有書班固天文有志性理大全有圖不可知耶次星野

淮海維揚州論星于南越者必屬牛女瓊之分屬揚州之域星紀之次婺女初二度六分三十八秒南海北極出地一十五度或以南越錄左牛頭右龍尾遂以箕尾當閩粵之列入一說

地理



古云道懸天物布地和在人志三才之合也又云天其運乎地其處乎在土成賦昉自禹貢其所由來者遠矣

### 疆域

瓊居海州中東西廣九百南北袤一千一百四十里綿亘三千餘里瓊為都會居島之北陞儋居西陞萬居東陞崖居南陞內包黎崗五指峻拔週匝大海遠接諸番

邑東跨黎崗西臨大海南接感恩北抵儋州東西廣一百二十里祖山遠宗五指一傳峩巖再傳牛欄五星傳變直抵神山勢降而下聳出象山逶迤而北至于望牛嶺之原二里許始立縣治玉屏是依天馬作朝一次繞城合流歸海邑至州二百八十里至府六百五十里至省二千五百餘里至京師一萬一百五十里

### 山川

峻靈山一曰神山嶺延袤十里九峯為縣主山俗名落膊崗漢封其神為鎮海廣德王上有石池石峯石船凡旱澇患難疾病往禱應下有石壇俗傳以二月二十四日生六月六



日成道有司至期致祭三板嶺石上有奇怪大石

以鏢牛俯仰驗歲豐歉保平嶺筆架山

狀如茶餅小步嶺形如保平嶺有黎母馬嶺山

我娘九峯山盤旋百餘里昔傳有九尚母馬嶺山

勢起伏連聳三峯石鼓一石閣立大石上牛形

至海濱形若天馬石鼓一石閣立大石上牛形

擊之有昌江原有五指山流經抱萬村北轉石象

聲如磬北納我娘溪復西折白南村會古鎮州

溪水又北始分南北二江南村後轉三家

至居侯村西始分南北二江南村後轉三家

村會海潮成港名南崖北出烏泥浦會潮成港入

吉家漚自舊縣後轉北出烏泥浦會潮成港入

海故名烏泥港棋子灣在大陳山之後海濱有小

又名烏泥港龍潭在馬嶺東俗傳有龍伏

上有淡泉眼龍潭在馬嶺東俗傳有龍伏

自沙中湧出龍潭在馬嶺東俗傳有龍伏

昌化縣誌

卷一

二十

神泉在神仙嶺下源出深澗中甘仙井在樂閣  
嶺下有泉從石中湧出訪之不得仙井在樂閣  
流半里許旱久不竭

海港

烏泥港沙洲港今塞蛋場港今淺南港即家港

今英潮港小員港發源自那豪大員港自發源

白黎達大村港發源自黎黎山經已坊崗

海今塞大村港發源自黎黎山經已坊崗

崔公河瀛署事率軍民自城嘉靖八年指揮

昌江導之順流而西遠城達烏居侯塘周三里

坭港出海民利灌汲名崔公河居侯塘周三里

菱村塘深四尺大塘深一丈



## 潮汐

余襄公謂陽燧取火于日陰鑑取水于月從其類也故月之所臨則水往從之月臨卯酉則水漲乎東西月臨子午則潮平乎南北朔望前後月行差疾故潮勢大月弦之際行差遲故潮之去來亦合沓不盡其說固善矣然月有盈虛潮有起伏故盈于朔望虛于兩弦息于朏朏消于朏魄而大小準焉月為陰精水之所生日為陽精水之所從故晝潮之期日常加子夜潮之候

月必在午而刻定焉卯酉之月陰陽之交故潮大于餘月大梁析水河漢之津也朔望之後天地之變故潮大于餘日寒暑之大建丑未也一晦一明再潮再汐一朔一望再虛再盈天一地二之道也月經于上水緯于下進退消長相為生成數可推毫厘不爽天地之至信幽替于神明而古今不易者也凡潮之期日遲一日以漸而盛盛極而衰則為舊潮漸小不久而退退纔片刻則新潮起矣新



潮亦小以漸而盛其未盛也與舊潮新潮相承三日之間潮皆再至過三日則新潮長而舊潮竭矣考浙江四季潮候盛大皆初三十八其餘消長時刻大畧與瓊同夫一月之間生明生魄潮則再盛生明之潮自前月二十五六長水謂之起信歷晦朔至初三而盛謂之大信初四五漸殺謂之落信歷上弦至初十謂之小信生魄之潮至十一日始長歷望至十八日而盛十九而殺歷下弦至二十四五而衰起落大小之信

如之以其有常間不爽故曰潮信此閩浙交廣之所同曷常有異乎正月至七月十二月二潮八月九月四潮惟十二月則初一十四二十五乃三潮春長亥退巳夏長午退子七八月則長未退丑九月則長申退寅冬則長亥退巳瓊州與徐聞對境兩岸相夾故潮長則西流消則東流日有常也八月九月勢獨大每日兩有消長者變也故舊潮漸減漸小謂之老潮新潮漸進漸大謂之稚潮十一月朔或時不潮



而長謂之偷潮 昌之潮汐去倍不遠漸益自西而東漸縮自東而西春夏晝潮常大秋冬夜潮常大朔前三日潮漸長至上弦之日潮極大望後三日潮極大下弦之日潮漸縮

### 風土

欲知一邑之人物者當驗一邑之風土風土之美者人康寧而物殷阜風土之惡者人夭札而物疢癘海南仲春仲夏行青草瘴季夏孟冬行黃茆瘴或遇瘴癘所感鬚髮皆黃東坡有云逢

人瘴髮黃其地使然也次風土

周歲多東風秋夏間颶風或一歲累發或累歲一發或起東北轉西或起西北轉東必對時回南大作後息發在夏秋有雲物之先驅非青華為起未幾率然凌尋颶忽怒號極萬籟之變屋瓦皆飛坤軸欲轉人物震懾沉澣漲奔僂禱倏吼海鳥翔天脚暈若半虹則颶方輿志周歲皆東風秋夏颶風投荒錄南荒諸郡皆有颶風康熙十一年閏七月二十三日颶風怪作平地水



擁數尺同日三州十縣城垣盡圯官舍民居片瓦不存合抱之樹拔根飛空班船行空中自東海過西海飛騰數十里傷人民數千田禾盡沒父老言自古未有自儆至崖八百里許沙深尺餘色白如銀無四時日中蒸熱不可以晝行強行者膚肉潰爛雖林木蔽天無虎狼之慮故夜行便之或潮來則路阻居民熟請水候者坐在岸上俟潮退方渡隨足有金光迸出火者如火小者如螢往來之人儼然可鑒東坡

書柳子厚牛賦後嶺外俗皆恬殺牛而海南為甚病不飲藥但殺牛以禱以巫為醫以牛為藥人牛皆死而後已有日無風則熱不可受有風又若難犯傷人實多惟日西沉始有青氣有雨則猶善矣一日之內一身之間冷熱互見是以人體疲倦脚氣之患不時有也有蠅則無蚊有蜈蚣則無蝎蟻此定數也而海南諸種皆備蠅無四時皆有蚊有二種有小而黑者晝不避人呬唔左右間為可厭夜間流毒者諸方所有也



螿蟲比巖北殼獨堅厚抵之不易死蟻有數種  
有小而白者衣物書冊久置則結巢其中殘噬  
畧盡大者如巖北草間生者首尾黑色而紅腰  
二物遊人几案間驅之不能絕東坡云海南風  
俗食無肉出無輿居無屋病無醫冬無炭夏無  
泉惟夏無蠅蚊則可喜也先生身歷三載豈猶  
未詳何乃有無蠅蚊之言也抑數百年之久而  
氣候遂有不同耶

海南酒造不貴冬而失時糟只計斗而失林麩

昌化縣誌

卷一

四

唯擇辛而失媒火槩貪多而谷氣不能勝水故  
不耐藏乃入燒酒以固之是燒酒之毒初少用  
之以存酒味非用之以為飲也惟俗慣飲而不  
忌故遂酣醺而不舍甚至狂迷而純飲者爛腑  
焦臟大扎相繼而不知悔哀哉王桐卿雞肋集  
瓊俗侑賓以酒之出自火焰者尚之以為尤物  
酒無醇醪皆入其半或純侑焉久耽則疾作矣  
瓊崖耐熱腸胃習此稍延時月以待斃遠客貴  
客多為所設出唐西用勸俗說



昌邑東北近黎岐高燥民以刀耕火種為業名曰斫山集山木而焚之播草蓆子吉貝二種於積灰之上昌民之利盡于是矣閱二年即棄去西南浮沙蕩溢墾之為田必精牛之力蹂躪既久令其堅實方可注水分狹之後民不復有家無男婦老稚晝夜力于田事踏風車收水灌田或一日輟功則無成田邊置釜煮藷粥供給至有襁褓之子置筐于樹就而乳之東坡云海南多荒所產秔稌不足于食乃以藷芋雜米作糜粥以取飽此實錄也一遇海水氾漲黎水克湊竭于婦之全力付河伯之一怒矣

### 城池

邑之有城池所以固金湯戢強暴安人民利社稷者城池顧不重乎次城池

正統 舊縣城不載

洪武二十四年指揮桑昭奏請築城次年俞凱百戶層安燒磚包砌未完永樂九年亂指揮徐茂重造完 周圍五百八十四 八



高一丈八尺堞五百五十五更鋪一十八座敵樓  
四座城門東曰啓晨南曰寧和西曰鎮海北曰寧  
武正統乙丑始遷縣治于此池多砥石千戶管成  
積柴燬之以火鎚之以鍊浚濠深五尺濶一丈五  
尺久圯崇 二年知縣張三光重修鞏固乙酉颶  
風傾頽知縣黃立脩典史黃嘉慶重修甲午陳武  
掾叛高總督兵恢復城以大壞順治十二年署縣  
令汪天敏修築未完繼任陸觀光續修康熙五年  
知縣嚴干屏捐修完固康熙十一年閏七月二十

三日風災無堅不破知縣高日旦督修雉堞樓  
閣完固至于康熙二十六年又歷十有餘載久  
經風雨不無損壞未之能修也康熙三十年閏七  
月二十五日颶風傾頽雉堞城樓知縣璩之璨典  
史陳漢捐俸補修完固  
公署

夫有疆域而即有山川有山川然後有城池有  
城池然後立公堂立公堂然後立私室做千古  
公周爰執事序也次公署



按崇 四年知縣張三光捐脩崇 八年知縣賀  
登羸于後堂之左建立川堂三間順治十二年署  
縣姚沄建川堂三間于後堂之右十四年署縣陸  
觀光建寢室于後堂又于大堂之外左右豎造耳  
房八間以便吏書棲役康熙五年知縣嚴于屏建  
川堂一座脩飾左右儀門十一年颶風之後崩塌  
將盡知縣捐買磚瓦灰石木料建大堂臺基一座  
大小門扇三十餘面至今康熙二十六年又歷一  
十餘載風雨不無頽圯知縣方岱捐脩外又于川

堂後左右建立寢室三間處在昌化狂風之區所  
創者亦不過稍蔽風雨而已康熙三十年閏七月  
二十五日颶風後署內房屋盡行損壞里老公議  
重脩知縣璩之璨嘆曰公署爾等議脩爾等崩塌  
房屋誰為為之脩乎吾暫為脩葺苟可棲身何必  
勞吾民以傷財也

戒石亭舊置大門外屏間 今廢

申明亭舊在大門左 今廢 旌善亭舊在大門右 今廢

土地祠一間在儀門東 典史衙門在正堂左舊



前廳瓦房三間後寢室瓦屋三間川堂一座颶風之後破落無存典史陳漢自行捐俸創脩於縣衙之後草堂三間寢室三間前門一座後廚三間僅蔽風雨棲身而已

陰陽學廢 醫學廢 千戶所廢 鎮撫廳廢

教場在縣東郊外半里許 廳亭廢 址存

分司在南門內正街大堂三間南向二門一間頭

門一間西向廢 布政司廢 廣儲倉廢 預備倉廢

馬嶺場在南黎都灶老建廢 河泊所今革

### 昌化縣誌

#### 卷一

十八

### 祀典

國制既備而禮教行焉禮之不可以已也况事神保民可以復民性而育人才可以弭災禔而厚民命者祀典其可忽乎次祀典

文廟宋大觀間立于舊縣明正統間隨縣遷于所城正德七年知州陳袞建大成殿明倫堂十二年知縣藍敏建戟門兩廡櫺星門東西齋房 名宦鄉賢二祠原立二門外東西旁廢 敬一箴廢 亭射圃亭廢 自陳武據昌賊黨穢積 聖殿禮宮兩



廡鄉賢名宦明倫堂盡行傾圮諸賢牌位盡為灰  
燼祭品燬散無存順治十五年署令陸觀光捐脩  
啟聖宮一座整葺兩廡復置諸賢牌位康熙十一  
年閏七月二十三日颶風之後一掃幾空知縣高  
曰旦捐葺

聖殿 啟聖宮 明倫堂 兩廡 櫺星門及周遍

牆垣今又經一十餘年風雨不無損壞康熙二十  
二三年知縣方岱教諭林應璧訓導陳威等捐資  
補葺東西齋房久廢儒學住無定居康熙二十四

昌化縣誌

卷一

十九

年儒學教諭到任暫居于啟聖宮康熙二十五年  
奉

旨敬書萬世師表扁額賚送

文廟知縣方岱教諭勞吉登典史張薇耀貢生文運  
熙並本籍生員十五名捐貲脩立康熙三十年閏  
七月二十五日颶風大作廡廡門牆各處崩塌知  
縣琛之琛典史陳漢教諭郭勝瓊訓導陳威合力  
捐資補脩教諭郭勝瓊又捐換金字扁額及 豆  
聖賢牌位復興義學



社學四 東西廂 北岸都 英德都 抱驛都

所學二 西關 東關 俱廢

社稷壇 山川風雨雲雷壇 城隍廟 知縣璩之璩典史陳

漢捐資 邑屬壇 旗纛壇

天妃宮在小嶺 知縣璩之璩典史陳漢捐資重脩 按妃莆田人父

林公愿母王氏宋 建隆元年三月二十三日生少長

能乘葦渡海常浮雲捧足遊于海與雍熙四年九

月九日昇化常朱衣旋舞翩翩飛行水上鄉人水

旱疫癘海警求救輒應今渡者祭卜方行

昌化縣誌

卷一

二十

峻靈祠在烏泥港口 按神在後漢封鎮海廣德

王宋元豐五年七月改封峻靈王東坡有廟碑文

載藝文志

關帝祠 在大街

帝宮 在北城樓

文昌宮 在南城樓

康熙三十年知縣璩之璩捐資新建

鄉約所三間 東西廂房六間

義學三間在縣衙西

昌化縣誌書卷之一終



昌化縣誌書卷之二

都畜賦役

邑之有都畜賦役所以編排里而急公家也故  
夾其皇澗溯其過澗言都畜之布居也惟正是  
供公向有期言賦役之有制也都畜賦役其可  
紊乎次都圖賦役各志

昌化原設一十五里明洪武二十四年併為九里  
正統七年併七里天順五年併五里嘉靖二十四  
年撥儋州抱驛補益廟曰東西都曰英德曰北岸

昌化縣誌

卷二

一

曰南黎曰北黎曰抱驛嘉靖二十五年撥儋民附  
近昌化者以南羅為界以民不及一里定為半畜  
共六畜有半

北岸村 烏坭 散過半 浪汴 散過半 舊縣 半存

耐村 半存 稔村 散 大風車 半存

東西村 耒南 半存 新村 半存 蛋場 半存 篤村 半存 昌化 散

長山 半存 那等 散 老珠 散 紅草 半存 永安 散

英德村 赤坎 半存 榮村 半存 附馬 半存 羅員 散 玉章 散

嶺後 散 沙村 散 居侯 半存 三家 半存



抱驛村 小員散退 知仰散 道隆散退 富疊散

新港散 大村散退

南羅村 南羅散歸 長田散歸

北黎村 落閑崗散 白農東崗散 白農西崗散

蔓村散 唐村散 浮峩散 峩落散 峩昂散 南得散

那豪散 墩嶺散 大移謀散 喧村散 小移謀散

那侯散 抱俸散 玉南散 特啞散 玉豪散 峩汪散

毋楞散 白南散 玉號散 新村散 唐安散 峩愛散

松村 樞村移併存 赤又存數 牛欄散 峩底散

昌化縣誌

卷二

二

峩落散 峩溝散 沱外散 烏歷存數

南黎村 居侯有數 大寬田有數 小寬田散

二官村散 居便散 居南散 抱板散 落曼散

哥枕存數 居律都散 茅庵散 嶺村散 過沱吾散

大都越散 大抱樓散 陳園散 坡橫散 初抵散

野老散 沱勞散 沱興散 道畧散 那宏散 居北散

抱英散

按昌民自明代以來世遭倭黎之禍都村日荒一日閭閻日逝一日考前任張君舊志已亡其半凡



鼎革之際不逞之徒割據屠戮真無孑遺矣撫圖  
枕籍何減鄭俠之繪不有還定如周宣巡行如召  
伯安得嗷嗷之鴻有中澤之望乎

戶口

明崇 年間戶七百一十九口一千七百五十二  
男子八百九十六丁食鹽課銀八百五十六口  
按張君舊志止有見戶二百一十逃戶二十九絕  
戶四百四十八笮獨孤鰥無不注籍崇 五年編  
審如新收客商五十六戶屢形陳訴未蒙 題豁

昌化縣誌

卷二

三

今所載戶口之數照賦役全書開載編差實數無  
年編入由卑不敢妄減其實虛浮溺職之罪多矣  
夫國以民為本本之不有國于何立語曰十年生  
聚此為越王勾踐言之也勾踐之生聚也墓死者  
養生者弔有喪問有疾去民之所惡補民之不足  
令壯者無取老婦令老者勿取壯妻將免者以告  
生男子二壺酒一大生女子二壺酒一豚生三人  
與之母生二人與之餼如是而可以十年計之也  
若夫不生不聚雖百年何異之有毋怪乎昌化自



洪武年間一千九百四十四戶八千三百六十一口日減一日至崇 年間而止得二百一十實戶八百九十六實丁也此猶昌化之盛時也至康熙壬子知縣高曰旦編審戶口並無增加康熙二十五年小造編審仍照原額康熙三十年大造知縣璩之璨閱前卷編審舊冊痛念故絕丁口深為里甲累害再四躊躇仍舊不可議減不能無奈通詳各憲以現在之丁包賠故絕之丁仍復舊額自知原非良法乃不得已而為權宜之計溺職之罪可

勝言哉

東西廂額丁二百六十六丁半內絕丁三十丁現在丁二百三十六丁半今屆興丁八十四丁連前該丁三百二十零半丁

英德額丁乙百四十七丁內絕丁三十六丁現在丁一百一十一丁今屆興丁三十九丁半連前該丁一百五十一丁半  
北岸額丁一百七十五丁內絕丁三十四丁現在丁一百四十一丁今屆興丁四十九丁連前該丁



一百九十二丁

南黎額丁一百一十八丁內絕丁二十丁半現在  
丁九十七丁半今屆興丁二十二丁連前該丁一  
百一十九丁半

北黎額丁三十四丁半今屆除絕該丁三十四丁  
抱驛額丁一百零二丁今屆除絕該丁五十八丁  
南羅額丁五十三丁半今屆除絕該丁二十丁半

### 賦役

官田地塘苗一十二頃一十七畝七分九厘六毫

昌化縣誌

卷二

五

內有荒稅不編每畝徵糧餉銀九分二厘九毫九  
絲二忽二微二纖一沙又徵雕填漆匠衣裝及物  
料溢價銀二毫三絲三忽五微二纖五沙

官屯田一畝七分四厘二毫每畝徵糧餉銀七分  
二毫又徵雕填漆匠衣裝及物料溢價銀一毫七  
絲一忽七微一纖

民田四百二十四頃四十二畝一分六厘八毫內  
有荒稅不編每畝徵糧餉銀三分九厘六毫五絲  
三忽一微七纖七沙又徵雕填漆匠衣裝及物料



溢價銀二毫五絲七忽五微六纖四沙  
泉源田一畝徵糧餉銀五分零四毫九絲二忽一  
微三纖八沙又徵雕填漆匠衣裝及物料溢價銀  
三毫四絲三忽四微一纖九沙  
官桑絲地五畝八分每畝徵糧餉銀二錢八分一  
厘四毫零八忽三微一纖五沙又徵雕填漆匠衣  
裝及物料溢價銀二毫三絲四忽五微二纖五沙  
民桑絲地五畝零八釐每畝徵糧餉銀三分七厘  
三毫八絲六忽八微八纖五沙又徵雕填漆匠衣

裝及物料溢價銀二毫五絲七忽五微六纖四沙  
民塘五頃九十一畝六分四厘六毫每畝徵糧餉  
銀五分七厘七毫八絲五忽六微四纖四沙又徵  
雕填漆匠衣裝及物料溢價銀四毫零一忽一微  
九纖一沙前項田地稅內有荒稅七十九頃三十  
六畝四分七厘二毫七絲九忽共除條餉銀三百  
三十八兩七錢五分六厘四毫順治十三年奉文  
除魚課米一十八石八斗每石徵魚課由料銀  
三錢三分二毫九絲四忽



額外陞科免餉銀五兩零五分六厘四毫

以上田地塘原額四百四十二頃五十五畝二分三厘二毫除荒不編尚編熟稅連魚課陞科及扣回優免充餉共徵糧餉銀一千五百一十八兩二錢二分九厘又徵雕填漆匠衣裝及物料溢價銀伍錢四分零一毫 過閏加銀四分五厘 本邑白蠟銀硃溢價銀六兩三錢一分一厘四毫 原本改折牙茶葉銀硃膩硃各項溢價銀二兩五錢七分一厘四毫

昌化縣誌

卷二

七

無免丁八百二十七丁不派鹽鈔每丁徵三差銀四錢九分二厘三毫八絲六忽  
有免丁一十八丁全免徵三差  
免不盡丁五十一丁不派鹽鈔每丁徵三差銀四錢九分二厘三毫八絲六忽  
原免三差銀二十五兩一錢一分一厘今扣回充餉共銀二十五兩一錢一分一厘六毫八絲六忽  
食鹽課銀八百五十六口每口徵銀五厘六毫九絲



以上丁口共一千七百五十二丁口連扣回免不盡  
丁充餉共銀四百三十七兩一錢八分四厘八毫  
八絲六忽 以上俱編入由單

兩工匠價銀一十四兩八錢伍分 水腳銀一錢  
一分八厘八毫

稅契銀一十兩 按明代遇屆造徵收田過割免  
解亂離之後民逃田荒收除無人屆造稅廢  
本朝照全書額編遞年本縣捐解全完  
酒稅銀一兩

昌化縣誌

卷二

八

儋州撥徵鹽課銀五兩八錢三分五厘

雜稅銀共一百八十九兩七錢九分零八毫  
以上不編入由單

起運銀九百五十兩零九錢八分四厘七毫八絲  
內留買本色物料價銀一十一兩一錢八分八厘  
五毫八絲

裁官經費銀八十九兩一錢二分  
驛站七分脩船銀一十三兩七錢七分九厘六毫  
留支朝覲紙劄盤纏銀一十六兩四錢三分九厘



九毫

本色物料溢價銀六兩三錢一分一厘四毫  
尚免餉銀八百二十一兩四錢六分一厘三毫  
會試水手花紅銀九兩五錢六分八厘三毫  
半留生童菓餅銀四錢七分二厘二毫  
孤貧口糧銀五兩七錢七分三厘二毫二絲  
護衛工食銀五兩二錢八分六厘  
班役工食銀四兩四錢四分四厘  
歲貢盤纏銀三十七兩

半留科舉盤纏銀七兩五錢七分零八毫五絲  
京庫金花滴珠水脚充餉銀二百四十二兩九錢  
六分八厘五毫  
鋪墊均一料除買本色黃蠟外尚折色充餉銀三  
十兩零一錢七分六厘五毫  
丁地四司竹木翠毛魚油除買本色外尚折色充  
餉銀一十八兩三錢零七厘九毫二絲  
裁扣朔望行香紙燭銀一兩一錢九分八厘四毫  
預備使客下程充餉銀七錢六分二厘九毫七絲



鄉飲酒禮充餉銀一兩二錢五分

裁扣門神桃符充餉銀三錢一分九厘六毫

裁扣廩生廩糧充餉銀九十八兩零三厘九毫六

絲六忽

裁扣傘扇充餉銀六兩三錢九分一厘六毫

教官喂馬草料充餉銀九兩五錢八分七厘三毫

五絲

脩宅家伙各役工食等項充餉銀一百二十五兩二錢七分四厘六毫

昌化縣誌

卷二

十

書辦工食充餉銀七十二兩

裁扣知縣薪蔬充餉銀二十四兩三錢五分九厘八毫

裁扣科舉花紅充餉銀二兩四錢二分二厘

起存地畝折色裁扣各役工食等項充餉銀一百五十一兩零一分一厘六毫四絲四忽

存留額編兵餉銀一百一十九兩九錢九分五厘六毫內留支清瀾所官役經費銀一百零八兩七錢零六厘



尚充餉銀一十一兩二錢八分九厘六毫  
軍器料銀九錢八分五厘二毫

日銀五錢

墾復九年分起徵銀四兩二錢零九厘五毫  
本縣知縣應支俸銀四十五兩  
教官俸銀三十一兩五錢二分  
典史俸銀三十一兩五錢二分  
馬夫工食銀六兩  
鋪兵工食銀四十八兩

昌化縣誌

卷二

十一

三孤二八大祭銀三十八兩一錢零八厘五毫  
應支香價銀一十七兩五錢

以上七項俱本縣支給

廩生原額膳銀一十三兩三錢三分三厘三毫三  
絲三忽俟年終隨缺扣起解康熙二十四年六月  
初一復回廩生餼糧三分之一年終隨缺扣解  
官役俸食心紅均平等項係明代泰豁虛糧空懸  
在額無徵無支共銀八百四十八兩五錢七分零  
七毫二絲又澄邁縣撥補經費銀一十二兩共八



百六十兩有零

舊志載邊餉部餉粵餉陵工軍需等項今革不載  
牛稅銀七十兩零四錢七分六厘二毫 按明代  
萬 四十八年議充兵餉至天啟三年奉文免徵  
本朝照萬 年全書額編全徵

榔稅銀二兩三錢七分五厘六毫 兵燹之後樹  
廢稅存通年本縣賠解

船稅銀一十五兩 康熙二年奉

旨禁海船絕無徵

昌化縣誌

卷二

十三

新稅補餉銀一百一十二兩一錢零五厘 按明  
代議城市民房地地方刀耕作園各徵其半亂後民  
房燬盡 本朝照全書額編于順治十一年攤派  
地方作園徵解足額

出入港船貨稅銀六十六兩六錢九分五厘 按  
明代充本所官吏俸鈔旗軍月餉觀風師生紙筆  
歲貢旗扁歲考生童卷餅花紅雜費順治十一年  
奉文充餉因海禁無憑抽辦

門攤商稅銀三兩八錢三分四厘 遇閏加銀六



錢 按明代充支昌化所官俸鈔自陳逆擾亂商賈不至門攤稅廢順治十一年奉文照全書徵收本縣逐年措解足額

州縣會議添價銀三十一兩四錢一分五厘  
州縣會議官役運解交收掣批脚費銀一十四兩八錢七分

會議紫榆花梨脚費銀一兩五錢一分  
生熟銅脚費銀四錢四分七厘七毫

以上原編地丁及額外連澄邁縣撥補經費銀一

十二兩及明代虛浮共銀二千三百一十五兩五錢九分三厘五毫八絲六忽內除奉豁新荒糧差銀三百三十八兩七錢五分六厘四毫外又明代虛浮在額無徵銀六百零六兩三錢七分五厘四毫九絲八忽外尚實徵地丁起存錢糧魚課撥補經費及額外通共銀一千三百七十兩零四錢六分一厘六毫八絲八忽查照各年應解應支緊急項款該銀一千四百一十九兩四錢三分九厘三毫七絲七忽計少銀四十八兩九錢七分七厘六



毫九絲一忽每年本縣賠補前銀四十八兩九錢七分七厘六毫九絲一忽湊解支訖餘虛浮俱係員役等項缺支空懸在額

按昌化地畝原額四百四十四頃三十畝零七分三厘三毫七絲七忽 治年間被水衝埋額田一百一十九頃九十六畝四分遺虛米五百九十餘石府縣舊志可覆正德十一年藍知縣具奏准行勘丈未蒙開豁萬 九年唐知縣奉文清丈取盈原額一槩坐撤各畜有糧無田百姓賠累逃絕至

昌化縣誌

卷二

志

崇 三年張知縣遵照履畝丈量通完結算比原額失過一百五十二頃五十二畝九分九厘零四絲七忽該米四百八十九石六斗二升零九勺該銀五百零四兩九錢零五厘再照戶口比原額計少一百零二丁該虛丁銀五十兩零四錢七分九厘八毫具詳請 題隨蒙廣東巡按高 批昌化彈丸仍有虛糧如許該縣清丈實竭心力但題豁當以何項抵補不然恐難得之部覆也仰司速酌議通詳仰府行縣查議依蒙出示從長酌議有又



請命倘得邀皇仁俯賜蠲豁民之幸也不然亦盡  
居官地方代達民隱之職耳隨經賀知縣具由于  
崇 六年九月二十一日申詳本府轉詳兩院就  
蒙兩院合詞拜疏疏稿載藝文志奉 旨戶部酌  
議具奏崇 七年四月十七日本部具題本月十  
二日奉 旨昌化虛糧一項准與豁免該府查所  
屬汗荒地土設法清墾以補缺額欽此欽遵在案  
唯有抵補缺額虛糧一項歷經知縣賀登瀛署縣  
事臨高丞郭一儒酌議搜討未有成局蒙布政司

昌化縣志

卷二

十六

撥瓊州府贏餘充餉銀八十八兩三錢九分五厘  
與本縣抵補其餘四百一十六兩有零批查昌化  
縣或有別項餘剩可以議抵務要多方搜尋湊抵  
缺額隨該賀知縣喚集通縣紳衿父老再四商確  
查本縣額編兵餉各項銀三百四十八兩八錢五  
分零七毫每年拖欠曠缺尚有百餘兩以此作抵  
原額似可議捐者一至于山麓嶺坎荒原沙磧可  
以開墾作園地者分別園例三則共議得銀六十  
三兩八錢五分三厘似可議抵者一如本縣教諭



訓導二員裁減一員歲省俸銀齋夫小脩什物銀  
四十六兩七錢五分又會試水手銀九兩五錢六  
分八厘三毫似屬可裁禁子二名歲革一名歲省  
工食燈油刑具銀五兩九錢七分又本縣廣儲倉  
備支折色銀三百五十九兩三錢二分七厘七毫  
又近議抽收出入港船貨稅銀四十三兩二錢六  
分六厘六毫并議抽均平雜辦項下原抽貨稅湊  
充銀四兩五錢轉回本項湊給內除備支所官旗  
軍月糧外歲尚存銀三十兩應裁本項額編具候

允詳補充隨蒙布政司批昌化失額虛糧本司已  
于瓊州府充餉內撥八十八兩三錢九分五厘外  
今該縣查園例銀六十三兩八錢五分三厘聽于  
九年起科所議舉人水手既乏科目委屬虛設裁  
革禁子一名及省剩廣儲倉銀應于九年起准其  
曠餉原解京之額是否可以裁捐教官二員似可  
議裁一員仰府議詳本道酌議移司轉詳此昌化  
明代浮糧之大槩也但明代豁免在崇 之七年  
而 聖朝起科准萬 年四十八年之例夫從萬



年例起科者總鑒明季雜派繁苦民不堪命本  
出 朝廷從輕愛民體恤培養之至意不知昌邑  
獨受其累以先代奉題已豁之虛糧一槩混徵足  
額無徵無支致官役俸食絲毫不露

國恩且陳逆據昌殺戮獨慘順治十三年三州九縣  
皆邀

皇仁豁除新荒惟昌化以逃散待盡無人出訴遂致  
坐徵全額又經康熙十一年閏七月颶風之災水  
衝壓死人民無算嗟嗟以倭殺黎殺叛殺風殺水

昌化縣誌

卷二

十八

殺不盡之殘丁以萬 四十年之全差包納萬  
四十年之全額自有郡縣以來未有如昌化之  
一邑者也况又有不止于萬 四十年者前任張  
三光賀登瀛所議捐議裁議派之數原以補六百  
有零之虛糧也今客商入籍門攤盡徵矣榔榔稅  
盡徵矣會試水手銀盡徵矣本縣額編兵餉每年  
曠缺百餘兩盡徵矣園稅盡徵矣而且花梨沉香  
物非土產每歲設法上供矣萬 四十年間信有  
之乎 按康熙八年十月前任總督周 會同糧



道查議昌化浮稅若不請蠲恐貽包賠之累 憲  
行在崇十年九月總督全 為地方之敝壞日甚  
一件移行道府再加查飭果屬浮糧即令該縣備  
造缺額田地無徵糧米細數清冊繳司核明剴切  
看由通詳會疏蠲豁以免包賠累民致干

功令十一年正月分巡道王 憲牌行府奉總督全  
為請 旨酌省存留錢糧事一件又准布政司照  
會為地方之敝壞日甚事嚴催該縣浮糧印結六  
本十一年六月分巡道王 奉巡撫劉 批既奉

崇 七年豁免又稱九年分未具題豁有何實據  
再移該道查確每年無徵無支俸食是否與浮糧  
之數相符一併列冊取該縣印結詳繳以憑會  
題十月分巡道王 為請 旨酌省存留錢糧事  
一件昌化縣浮糧既稱崇 九年題豁則當日必  
有題稿抄行及 允豁抄傳誌書案據嚴核確查  
以便移 司轉詳結案當經署縣事知州滕 搜  
得前後請詳允豁文稿一本殘碑二段以為請豁  
浮糧之據具詳回訖前任知縣高 到任又奉行



催于十二年道府轉詳恩豁蒙批候院批行

嗟嗟昌民至此日有剝膚吸髓之慘民牧于茲苦無剗肉點金之術欲陳詳而穎已禿欲坐視而心不安惟有吞聲飲泣靜候代天宣化者之生成已耳此外又安望哉康熙二十九年知縣璩之琛到任目擊浮糧為害日甚隨以浮糧賠累多年等事為民請命通詳 各憲蒙 本府正堂張 批理詳浮糧賠累官叅民困呼籲入告誠守土之責

過恃

諭查荒自當力請 題蠲但既已通詳應候批示確議痛陳務慰輿情繳 分巡雷瓊道憲佟 批仰候 兩院批示仍候行府查核轉詳繳又行府嚴查昌化縣原額田地塘若干苗米若干在前朝治年間有無黎水衝沒至崇 七年賀知縣詳請題豁縣治碑文可據及順治十一年果否海寇據昌殺戮去丁若干存丁若干前任各官具詳請豁逐一查明據由轉 院司仍即具詳本道以憑通詳



事于錢糧貽累為民請命毋得遲延  
撫憲朱 批該縣衝陷浮糧地畝從前既經除豁  
至順治十一年纂造全書不過止令熟地照依萬  
年間則例起科何故將已豁浮糧復編入額此中  
斷非無因文內並未聲明再據稱前任各官詳蒙  
各憲批允具

題係何年何案如何詳請如何批允該縣亦未敘入  
今稱民皆賠累逃亡節年俱有拖欠是否確實可  
否於

上諭事案內造具冊結請審仰布政司照駁詳加察  
明取同縣誌碑文並應蠲冊結通報核奪慎勿刻  
遲仍候 督部院批示繳

督憲石 批仰東布政司查報仍候  
撫部院批示繳後蒙

藩憲張 批仰照另繳備細確查妥議詳奪繳隨  
蒙檄查衝陷浮糧從前已經除豁何故復編入額  
並前任各官詳蒙各憲批允具

題在于何年何案如何詳請批允情由一併敘入文



內及將節年錢糧是否俱有拖欠限文到二日內  
造具完欠冊及取同縣誌碑文並造應蠲冊結及  
府印結各一樣六本呈速妥看繳司以憑通詳核  
奪隨造冊結並誌書碑文復詳又蒙  
本府正堂張 批各年無徵各官不能賠補致受  
叅累文內並未說明須要聲明某年未完某官叅  
罰某官累死現任署篆著年開列遂克上 奏著  
速換詳毋得遲誤又蒙

藩憲張 批仰候核詳 撫都院批奪冊結碑誌

昌化縣誌

卷二

三

存查又蒙

撫憲朱 批仰布政司一併確查通詳 奪冊結

碑誌并發繼奉 本府信牌奉 布政司劄付奉

總督兩廣部院石 案驗准

戶部咨廣東清吏司案呈康熙二十九年六月二

十八日奉

上諭

諭戶部朕撫育蒸黎勤求民瘼務斯休養漸致阜安

閭閻間有疾苦朕衷時切軫念近見廣東高州瓊



州等府所屬州縣地丁各項錢糧歷年每致逋欠  
此內係官役侵漁及豪強頑梗抗納者自應嚴究  
追取如果因丁缺地荒不能輸納倘仍行徵比照  
例考成小民既困追呼有司復罹叅罰徒滋擾累  
終無裨益著該督撫將實係戶口稀少田畝荒蕪  
一切徭賦無從辦納州縣歷年所欠錢糧數目詳  
加察明具奏爾部即遵諭行特諭之璵與手捧讀  
焚香叩首仰荷

聖恩 各憲洪慈正為萬民請命地方造福時也即

昌化縣誌

卷二

三

以恭繳

上諭事仍復通詳蒙 本府正堂張 批仰候轉詳

繳蒙 藩憲張 批該縣浮糧一案從前未經

題報不便彙併請免業經詳奉

撫都院批示另行知照矣此繳蒙

撫憲朱 批現奉

上諭詳察係戶口稀少田畝荒蕪歷年積欠錢糧今  
該縣所請者係包賠浮糧據稱自 治年間被黎  
水衝陷無徵等語計今己及二百年即云順治等



年前後縣令具詳 前院司道不為轉請者亦必有因今並未確查明白豈可竟入前案貿貿請豁仰布政司移行該道府逐一確查該縣田畝可否通行丈量實在若干實缺若干按額科算淨少錢糧若干或作何補苴或具

題請蠲安議通詳定奪繳

督憲石 批仰東布政司查議通詳仍候

撫都院批示繳未得邀 恩請 題三十年復瀝血痛陳為下邑凋殘已極等事通詳蒙

昌化縣誌

卷二

十四

本府正堂張 批仰候核轉仍候

各憲批示繳

分巡雷瓊道憲佟 批已經行府查議俟復日據

轉仍候 院司批示繳蒙

藩憲張 批仰候

兩院批示繳蒙

撫憲朱 批仰布政司一併詳奪仍候

督部院批示繳冊並發蒙

督憲石 批仰東布政司查報仍候



撫都院批示繳冊並發未知得邀

皇恩否嗟夫殘民歷年賠累若此未更歷年死亡參  
革若此邇來

皇恩又若此若不能邀

恩是終無邀 恩之日矣

昌化縣誌書卷之二終

昌化縣誌

卷二

二十五



昌化縣誌書卷之三

物產志

朱紫陽曰萬物化生以形化者言也各一其性而萬物一太極也由是言之惟土之厚者自產乎物之備昌化僻處瓊西所出之物飛者潛者動者植者從乎土之所宜得手物之所性而已

次物產

茉莉一朵可折為五東坡至昌有黎女含檳榔挿茉莉戲書云暗麝著人簪茉莉紅潮登頰醉檳榔

昌化縣誌 卷三

一

細米花一名賽木樨 石榴花四時花實不斷  
佛桑花有紅粉二種俗呼為紅花 刺桐花俗以  
先花後葉為豐年之祥每取其葉糞田 板枝花  
又名木綿花李衛公貶崖州時唐人詩曰絳紗弟子  
音書絕鸞鏡佳人相會稀今日置身歌舞地木  
綿花發鷓鴣飛又云歐歐燒空出化爐一春花信  
最先字看花未暇評牛李且醉東風聽鷓鴣  
荔枝野生黎嶺實小肉薄味酸與他處園圃培植  
者不同 龍眼如之 椰子昌獨難生成 芭蕉



即甘露子 錦花又名吉貝 檳榔合扶留葉即  
萎及灰茶食之避腥消食除瘴土俗珍重此物交  
接以為先婚姻以為定瓊之東路極盛西路亦有  
之惟昌獨少 知風草茶名萎葉驗其節痕知歲  
之颶風有無多寡 木可為酒盃文頗猶見  
水即裂無足取也 花梨木在昌徑大者甚少  
黃楊木斜截有文可制梳箸 喜鵲舊無景泰年  
間指揮自化州取雌雄十餘縱之迨今蕃育然昌  
化止有一雙竟歲無一再見耳 泰吉鵲俗名鶴

哥哥而能言 鷓鴣自呼釣輒格棲又云行不動  
哥哥 熊胆能消毒 蛇能吞野獸 益智子  
土人謂能解瘴消痰東坡有記云益智花實皆長  
穗而分為三節其實熟否可候歲之豐歉其下節  
以候早 上中亦如之大豐則實凶歲皆不實  
蓋罕有三節並熟者 綿布黎崗織成文錦黎婦  
穿黎幔全絲者為上即衡志所謂黎錦黎卑鞞黎  
之類 海粉海鷄所生寒時有之雨多則否  
按萬 三十三年春文採全隨于次年封築嗟呼



斗大貧邑負此羶聲以致張鳳等數百亡命結聚  
二十餘年稽信志在唐貢金及糖及香宋貢高良  
薑及元豐銀嗚呼是其作俑者與今遺禍猶歲取  
花梨沉香竹木翠毛魚油翎鰓滴珠襍皮翎毛魚  
膠等則額載全書起運折色物料之例岱受事之  
初即奉檄嚴催梨香二供既明知非土產只得  
遍覓之隣封黎崗深處重價始辦不誠難乎其為  
歲輸哉今之錄物產者亦據舊志所載其實目未  
經悉覩也

昌化縣誌

卷三

三

古蹟志

錄坊表景德也紀墓址思古也若夫孟門肴函  
之險章葉雲夢之觀君子不侈焉次古蹟

橋渡

拱宸橋洪武四年知縣董俊建今廢

昌江渡春夏無水則涉秋冬有水則渡

墟市

寧和市在南門大街西門市在鎮海門外俱廢

亭坊



觀海亭在西門外小嶺上正德初年知縣殷鐸立  
今廢

觀河亭嘉靖八年指揮崔瀛為開河建今廢  
却金亭士民為知縣潘士元建今圮

聖域坊 賢關坊 興賢坊為宋符確建

折桂坊為宋趙荆建 攀桂坊為符俊立

英雄坊為符進立 折桂坊為趙勉立

青雲坊為文中立

楊家坊 寧潮坊 波綠坊 新榮坊 居遠坊

昌化縣誌

卷三

四

諫垣坊傳為趙荆符確立但荆確木作諫官惟趙  
獻曾任工垣疑為獻立也 以上今皆廢

義田二坵在縣南東二十里訓導黃鵬捐俸十二

兩置 今荒廢

趙忠簡公鼎墓在舊縣志東外紀序云嘗觀胡澹  
庵哭忠簡公詩詩有一堆黃土寄瓊島千古高明  
屹太山之句因句中字誤每存疑似然未知的塚  
所在也 治壬戌予避亂適瓊士王國昌朝隆宅  
夜話及此據國昌稱先年寄學昌化學臣臨考夜



宿昌化地名趙家村屋後有老叟焚香念經聞若讀書聲出問所從來老叟不覺於悒下淚詢其所以荅曰吾河東解州聞喜縣人宋宰相趙鼎孫也我祖因國事為秦檜所忌貶崖州身死不得歸葬子孫流落在此聞諸君子書聲追思我祖不覺下淚耳因指屋後傍山曰此山我祖墳墓在上俗人為交趾王墓非也衆聽莫不測然已乃辭各就寢黎明趨程不及觀其墓竄惟南渡時宋已失中原河東皆為金人所有忠簡之喪不得歸葬老叟之

昌化縣誌

卷三

五

言必不誣也故記之而吊以詩曰澶淵蹕轍香難呼南渡乾坤兩手扶窳逐不妨青史路塚迷瓊島未為孤郡志按史鼎本傳遺命乞歸葬明年得旨汪應宸傳鼎喪過郡為文祭之有曰事有定乎蓋棺息特殊于歸骨衢志載常山石門趙鼎墓翁仲石獸見存而桐鄉之論又如此蓋古之名賢墓址數處亦其常也

進士符確墓在居侯村南里大塘上

兵防志



國家設兵凡以衛民也兵不足誰與衛吾民而  
固我圉者乎故子曰足兵此為政之大經也次  
兵防

水陸二哨 烏坭營即楊威後營分哨防守昌化  
建營城西哨官一員官兵一百名歷年奉裁至崇  
年間實有兵六十三名英潮港七號哨船二隻  
崇 二年移有烏坭港口哨官一員兵四十八名  
本朝裁革二哨官設城守官一員屬儋州防鎮委理  
原經制水陸兵共一百三十二名每兵月銀一兩

在儋防奉府鎮按月大小支給每兵月米三斗在  
糧道撥支何倉城守具結領回按月大小散給順  
治十四年城守王移建公署于城內防兵入城  
守禦康熙八年奉文立英潮營置百總一員安兵  
四十九名共五十名護守歷年奉裁實有防縣兵  
六十二名守營兵四十三名共一百零五名城營  
內外互守  
墩臺 康熙元年設直南羅臺一座十里水兵四  
名 新港墩一座五里水兵六名 可賴臺一座



水兵四名 富豐墩一座五里水兵六名 小員  
臺一座十里水兵四名 棋子灣墩一座五里水  
兵六名 青嶺臺一座十里水兵四名 英潮墩  
一座五里水兵六名 四更臺一座十里水兵四  
名 馬嶺墩一座五里水兵六名 康熙八年春  
旨展界撤去新港棋子灣四更可賴小員五處留南  
羅富豐英潮馬嶺青嶺五處

塘兵 昌營原縣前塘撥兵三名 新港塘撥兵  
三名 永安塘撥兵三名 北黎塘撥兵三名共

昌化縣誌

卷三

七

六塘遞驛公文

鄉勇哨兵 鎮海東西英德北岸南黎北黎抱驛  
分七哨各設鄉哨官一員統束鄉兵以村場大小  
為多寡擇鄉中勇健之人充之免本身徭泛差役  
有警調發防禦

土舍黎兵 土舍二名所轄黎兵原無定額遇警  
調發防禦平時約束熟黎祀柘崗口要害  
防兵洪武二十七年設所官一員督管鄉船千所  
部海面巡視旗軍一百名備倭船三隻嘉靖年所



被賊掠軍亦罷設萬年設兵船二隻設防英潮  
港七號哨船二隻旋議裁革

海寇附

永樂九年倭攻陷昌化千戶王偉戰沒百戶王昇  
等追至潮州西頭灣獲之永樂十九年賊登昌化  
岸刦殺捉百戶陳通朱 閩擬 宣德八年倭犯  
昌化嘉靖九年海賊登昌化鹽場千戶王承祖等  
追至魚鱗洲擒獲十四人嘉靖三十年賊張首登  
昌化推官除那佐督百戶李元機追至安海而還

昌化縣誌

卷三

八

嘉靖四十四年正月賊何喬等掠昌化英德等村  
官軍戰敗署縣教諭王瞻之率鄉兵出禦嘉靖四  
十五年四月賊吳平逼昌化焚掠鄉村三百餘家  
隆慶二年陳高番等復下昌化據英潮港指揮高  
卓直前破敵擒殺吳德方等十七人五年七月李  
茂率衆南下兵憲史朝宜遣高卓督師追之八月  
命高卓下昌卓以二小舟逐賊三十七舟殺賊首  
五驄及其部百餘人卓中賊斃令麾下被己衣甲  
麾戟益力殺傷不計賊敗走昌化卓以瘡痛夜沒



瘖忠介有文贈其子維績文補載藝文志六年閏  
二月賊許萬圍昌化知縣林應瑞率百戶薛元明  
防禦賊夜三面來攻生員林應魁持刀拒敵面被創  
刺典史林祚材傷三十餘賊乃退李茂自為高  
卓所挫已有降意萬 元年四月詔赦李茂授李  
茂各邑把總

### 原黎

黎著自古昔有此地即有此人矣漢元封始畧地  
為儋耳珠崖郡唐故瓊管地也有黎婺山一名五

指諸蠻環居其下號黎人內為生黎外為熟黎山  
高黎人亦鮮識之久晴海氛清郭時或見翠尖  
浮空下猶堪濠也相傳上有神人壽老逸樂不與  
接水分流四郡大川五出山嶺為昌化為儋州  
迤西北為臨高為澄邁為瓊州府北出鉄砧黎  
黎 為樂會會同文昌定安生黎不供賦  
稅質直獷悍不受欺觸囂頑無知不識姓名木弓  
竹弦鉄鏃無羽出入不釋手器用土釜匏瓢飲用  
椒酒以擊鼓為樂以射獵為生以刻箭為



割雞為問卜或殺其父祖及鄉人易世必復結芥為屋如覆盆上以居人下畜牛豕男文臂腿女文身面堆髮額前鳥言似藝而服布以單被穿中央為貫順結貝為衣兩幅前後為裙闊不過尺掩不至膝髻挿銅骨釵花慢纏頭戴藤六角帽女髻釵上加銅環耳墜隨肩衣裙皆五色吉貝無袴襦但繫裙兩圍合縫穿而繫之名曰黎桶女子及笄置酒會親女伴自施針筆涅為極細虫娥花卉而以淡粟紋編其餘地謂之繡面奴婢獲則否死不哭

不粥飯惟食生牛肉以為哀痛之至鑿圓木為棺葬則舁櫬而行令一人前以雞子擲地雞子不破處為吉穴與人貿易甚有信商人信則相與如至親借貸不吝或負約見其同鄉人擒之以為質枷以橫木必負者來償始釋凡負一緡次年倍責兩緡倍至十年乃止熟黎舊傳本南恩藤格高化人多王符二姓言語皆六處鄉音從征至此利其山水田地占食其間墾土開山負固恃險以先入者為尚首同入其力者為頭目父死子繼夫亡妻主



有納糧當差之處有納糧不當差之處性習為橫  
一言不合持弓刀相向其妻當申一過即解坐無  
尊卑病則槌牛祭鬼喪葬則斬牛待客春則鞦韆  
會鄰尚男女粧飾未遊携手並肩互歌相答名曰  
祚剗有乘時為婚合者父母率從無禁婚姻不避  
同姓洪武元年大將軍朱亮祖南征遣使開諭土  
酋陳薦官降先是至正 十八年土豪吉天章逼  
昌化縣尹黃半山奪其印自尹其縣二十一年薦  
官自稱元帥追出縣印令其下曾供山據之至是

乃降二年復梗化永樂三年差通判劉錦縣丞歐  
可誠以本縣尚首符翰惠符儀王今儋州王賢佑  
等持 勅親臨招撫峩娘峩溝等尚相率入朝授  
賢佑土官同知翰惠儂玉土官主簿劉錦陞知州  
可誠推官專一撫黎不預他事後因侵害鴛鴦累  
經奏聞裁革土官黎人由是歸于縣 治十四年  
符南蛇之亂本縣由北諸黎皆叛蛇衆三百餘人  
圍昌化千戶王韶大開城門受敵賊懼不敢攻伏  
羗伯毛鏡以兩廣兵十萬破其中堅蛇賊獨擁精



銳冒敵指揮周遠率昌化軍奮戰斬賊數夥蛇中  
箭赴水死嘉靖二十年萬州黎首那紅等入嶺脚  
作亂都御史蔡經分三大哨進剿斬獲五千餘級  
二十八年崖州黎那燕屢撫不下巡撫歐陽必進  
分三哨抵其穴斬首五千三百有奇崇 四年落洒  
叛黎符那恩出行劫逃民蘇 禮先為採路練總  
鍾鼎勛擒解不數日符那恩等出打害山土舍王  
創擒解即押取各逃民潛居黎崗者得首惡王生  
昌人 禮感人俱亡命人黎凡黎出沒東則 禮

昌化縣誌

卷三

十三

為導西則王生為導昌民素患之自二賊殄滅而  
昌民舉首加額矣

昌邑黎岐二崗一曰大村崗土舍轄黎落洒峩茄  
可邦拐鎖金婆水頭婆梅一曰大員崗土舍轄黎  
水尾鴉玉烏螺哥孫崇 之季符那恩傳箭各近  
黎鄉居取認某黎為衛刻箭為憑他黎不敢侵擾  
三年償黎以牛一隻藍帛若干名曰年例外民呼  
衛我之黎曰郎黎呼外民之所認者曰仔隣黎有  
叅越侵擾彼即棄命廝殺昌之黎情如此順治十



三年王翁生黎屢出抱驛都地方掠却縣令陸觀  
光城守何玉統兵寅夜截其要路斬黎賊首十餘  
顆生擒六黎責令斬狗誓血刻箭為憑毋使要路  
刼擄一也毋使焚村擅殺二也毋使倚林盜牛三  
也毋使容隱逃民四也毋使狡逆土官五也數黎  
得釋感恩畏嚴此一崗黎岐數年來不敢出順治  
十四年因逃民久潛黎境導引落酒諸黎侵擾鄉  
村縣令城守覓得故土舍王啟英之母張氏為首  
母着令差役葉志引至黎崗傳諭明年春氏帶落

洒莪茹拐鎖可邦婆梅五村之黎數百黎到縣投  
誠縣令城守賞給花紅鹽牛仍令誓血刻箭如約  
衆黎額首以歸即搜逐逃民導黎為患者如蕭三  
蒙大蒙四蘇民仰符兆麟等解縣鞭死示衆自是  
導謀之萌稍息康熙四年王翁黎岐侵擾迫近北  
黎都松裡赤又村縣令嚴于屏懲其首首符從星  
報道府黎岐未服

附叅將俞大猷圖說 黎岐居于三州十縣之中  
我兵既集千谿萬徑皆可以適其巢穴無一次不



收其成功惜乎自古以來皆上首防于賊勢方張之時而不駕馭于摧敗之後能損大征之財數千萬于賊未平之先而靳經畧之財數千萬于善後之際其長養積聚之又復如前日之盛一有所激復聚為亂仍動大兵以勁之費用之多殺戮之慘元氣之傷亦其勢之所必至耳本職歷遍各崗備覽形勢如羅活崗宜立叅將府遷崖州千戶所于其內榆顯村宜增設一縣古鎮州宜立屯所仍各築城穿池以垂永久之規于儋州之摧抱村宜遷

鎮南巡檢司陵水之嶺脚崗宜遷騰橋之巡檢司瓊山之沙灣宜新設一巡檢司仍各築城穿池以為他日立州縣之基五年之後事宜已定漸次掣其土舍行令更為里長該管黎人就編屬之以為甲首納糧之外不得再加差役不數年間皆登州縣之版籍

附海南 林如焚島圖說 昔畫黎者以征撫

為入門開十字路為實地今水會城

即萬二  
七年所平居

錄居林沙灣  
黎之三崗也

撫綏有官守禦有所敷教有塾通商



有市民黎熙熙已隱然州邑規模而又據諸獠腹  
心矣東通萬陵西達儋感北出瓊定十字已丁矣  
若踰五指而抵崖招村闡村招崗闡崗山澤氣通  
混沌自判如凍解之後勢出悉啟戶而出則全島  
嶼圖寧是十三州邑已哉  
附廣東舉人海瑞平黎疏 奏為區處兵後地方  
以絕後患圖又安事 臣竊見瓊州一府顛顛獨居  
海中其地綿亘二千餘里黎岐中盤州縣濱海旋  
于外譬之人黎岐心腹州縣四肢黎岐為寇是心

腹之疾也心腹之疾不除將必侵淫四潰而為四  
肢之患州縣無久安之理古先聖王之寇亂征討  
去不窮追蓋施之要荒之外與吾中國有所限隔  
之地若瓊則內之黎岐與外州縣百姓雞犬相聞  
魚鹽米貨相通其間雖多峻嶺叢林彼之出入往  
來自有坦夷道路自國初以至今日 治十四年  
征儋州昌化縣黎嘉靖二十年征陵水縣崖州黎  
嘉靖二十九年征感恩縣崖州黎凡三大舉矣每  
舉調兩廣官兵十餘萬費銀數十萬兩竟不能使



黎寇讐服迄今劫村殺人無歲月無有臣嘗博訓  
附黎居慣行黎村人氏近日大征踏路官兵皆稱  
自崖州羅活崗抵瓊山縣大破頭營三日可至是  
黎岐盤踞地不過方四百里而已區區方四百里  
地不能一施剿撫安輯吾民何故武臣憚難畏寇  
文臣仰望待遷圖目前苟安不為地方永久謀慮  
黎小寇害則隱匿不申請大寇害調兵又苟且奏  
功始以應事塞責是以大兵一退即旋為州縣害  
不少衰止若使從而計久長開通十字道路設縣

所城池中峙叅將府兵備道則立犄角之形成蚕  
食之勢矣日磨月化今日寧復有黎岐乎故臣嘗  
以為 治十四年開道立縣可無嘉靖二十年大  
征嘉靖二十年開道立縣可無二十九年大征大  
征後開道立縣可無歲歲調剿年年守戍往不可  
談矣今日可及為也不然數年後必大變一大變  
必用兵十餘萬必費銀數十萬兩必殘破地方必  
毒痛赤子功虧一篑坐失事機將奚取哉



順治四年初復瓊郡委任昌化知縣張道元教諭  
葉英典史熊燦然張道元苛酷激變民黎六月之  
六道元燦然自刎教諭葉英詳道委文昌二尹李  
浚典史劉以節到任署事是年冬隣僖起亂千戶  
陸應宿廕襲何而強等集黨數百迎明季臨高縣  
知縣趙幼文坐僖遣亂兵三百餘人圍破昌城生  
擒李浚劉以節返僖繫獄順治五年戊子春僞官  
趙幼文搜僖招黨千餘抵七坊崗調諸黎岐聯絡  
上舍符應全符夢豹符其珍王啟雄等昌邑橫遭

荼毒無所倚賴二月紳衿符其初甄養明等里民  
趙超文道脉等衙役黃英等赴僖具呈保李浚等  
官回縣理事僞逆忿怒斬呈首貢衿符其初里民  
趙超黃英等貢衿甄養明及里民以下各索餉金  
三月瓊督黃龍統兵破州趙幼文領賊千餘據呂  
勾逆黃海隅陳武自雷廉孤舟漂泊昌港僅十餘  
賊置標楊挺羅明黃勤李亞達協幼文聚昌是月  
黃龍統兵圍昌幼文領賊奔伏七坊崗時陳武僞  
號總兵置標招賊扶崖昌感恩流民數千從感恩



古鎮州抵崖州樂安營據鎮以偽叅將許大村渡  
海據瓊以流寓名宦宋國相署昌化縣事典史黃  
祚亨教諭陳樹猷各理縣務己丑年逆武盤踞西  
瓊崖昌感協黨盈萬置標百餘陳德孫輝等數十  
助逆肆惡勒拷昌民或二三百金或五六百金牛  
帛財物盡其所有死者不可勝計逆武陞偽號官  
保府遣標將楊挺鎮崖其妻蔣氏鎮樂安孫輝鎮  
盛羅明據昌逆武統賊協黎岐破僞妻蔣氏偽號  
女總兵坐鎮宋國相相移署僞務章應忭繼任昌

事庚寅四月逆武自倍旋昌殺昌署章應忭偽立  
知縣林亨開徵錢糧辛卯二月逆武復踞昌偽號  
軍門壬辰順治九年瓊將遣將張士益降武武標  
陳德楊挺削髮領兵百餘赴郡効用武洎海投誠  
隨征是年八月蒙委署縣徐斌暉典史程起雲到  
任理務招撫鄉都順治十年癸己三月部銓知縣  
歐陽思到任甫設催科順治十一年甲午六月初  
五日逆賊陳武復降偽安西王獨架孤舟浮海泊  
昌港登岸時逆黨莊翼宇潛伏居昌城內應逆武



寅夜踰城殺戮城守李耀祖生擒知縣歐陽忠奪  
印據昌是月十五日瓊鎮右營王魁防倭遊擊徐  
登雲協統大兵圍昌逆賊冲鋒即喪逆標一員黃  
仕逆調原黨古鎮州黃樂吾王清一等樂安營彭  
信古陳守泰陳進標等統領各屬賊黨黎岐鳩集  
嚮昌調感恩縣知縣張昌久馳印投誠立為昌令  
追徵稅餉兩置學職陸鼎新張聯奎提調昌於逼  
勒取餉又調崖州驛官伏得勝解印歸順充署感  
邑捕務催運兵糧八月十二日偽逆王仕鶚漂船

昌化縣誌

卷三

九

七隻到昌據港稱瓊南知府登岸是月十五日征  
剿王魁徐登雲等復統大兵圍昌困武偽知府王  
仕鶚棄船奔古鎮州入崖黎六月初七日城內  
藩下張孫二將領官兵戰船舳舻相啣漂海入港  
合攻是晚城破逆賊衆皆授首武跳城南嚮儋州  
征將林貴獲其首級獻捷防倭遊擊徐登雲撥標  
甘進孝防守昌化復用原任典史程起雲理捕務

時事附

康熙十二年平西王吳三桂叛遣開平偽知縣韓



漢偵探粵東水陸地方情形引西賊馬雄入寇安  
達公尚之信迫父身殞從逆瓊屬三州十縣亦皆  
降逆昌化知縣高曰旦先故訓導莫恒吉城守盧  
儀典史葉拱宸俱受偽職繳印至康熙十五年歸  
正十八年八月另造縣學新印頒發到縣 聞之  
忠臣不事二君知有國而不知有身者不謂食人  
之祿受人之職全軀從逆比比皆然也

康熙十四年防守昌兵乘亂擾攘扶制官司取餉  
訓導莫恒吉孤身沿鄉勸諭士民捐餉散弭方得

昌化縣誌

卷三

二十

安靜 噫國家養兵不聽約束一旦有事剗官奪  
民所謂無制之兵不可用也康熙二十年亢旱五  
穀失收昌米騰貴通縣茹草食木始得聊生所謂  
大兵之後必有凶年理或然也

按昌事往無稽己自明興洪武年來歷倭歷黎歷  
賊歷兵有十年五年不罹全革之禍者手亂離瘼  
矣奚其適歸抑昌之謂各屬勢殊而衰必不可起  
弊必不可救者其端有二自永樂九年指揮徐茂  
築城制獨堅完固故嘯聚者勢在必爭賊至兵衛



昔慶崇墉今悲戰場矣累一自順治五年變亂未  
休士民無主故順治十三年各屬告荒皆蒙豁免  
而昌人凋弊日甚無由上控遂致以二百九十一  
頃之見田而賠一百五十餘頃之虛稅以二百一  
十之見戶而賠一百有奇之絕丁累一此皆  
上憲所不及料

朝廷所不及聞小民所不敢告有司所不敢詳者也  
搦管傷心吞聲飲血荒疫之地猶列縣治之後謂  
之何哉

昌化縣誌

卷三

三





昌化縣誌書卷之四

秩官武職附

古者禮樂兵農皆有分任工虞水及各有專官  
文武雖曰殊途莫非並濟教養雖云異用實乃  
相需故爵無論崇卑敬事者最位無分大小稱  
職者賢即遊人仕宦德業聞望尚生景仰之思  
矧躬膺治化加惠當年能無遺愛之慕毋曰海  
外微秩不足錄也次秩官

知縣

昌化縣誌

卷四

一

洪董俊 河南人

沈源 延平人

范朗

黃安

林景年 莆田人

樂湯衡 贛州人

章軌 豐城人有善政  
去後人多慕之

曾伯良

宣范衷 豐城人

正陳璫 龍岩人

德周振 臨桂人

景楊行 邵陽人

天順羅紳 豐城人

王欽 蒲田人

化成秦明 宜山人

李春 會稽人

王綱 南昌人

倪洪 江西人





張宗 漳州人

治林 鷺 福建人

正殷 鐸 靖州人  
德殷 鐸 有才幹

王日熾 武崗人

林儀鳳 連城人

李蠻正 永豐人  
剛不屈

王臣 政和人

徐道 武義人

陳大猷 上杭人  
惠愛民 慈

昌化縣誌 卷四

竺鳳翔 融縣人

林應瑞 泉州人

楊漢 福寧州人

唐一唯 廣西人

張繼曾 城步人

王純臣 福建人  
煩歸善 調

郭思正 信豐人

戴振先 婺源人

林大佳 龍安人  
荒絕虛糧遠餉 詳免天 啟

陳斌 吉水人

楊相 鬱林人

藍敏 侯官人  
豁虛人 奉

嘉栢 英 柳州人

趙濟虛 碛峩人

張大文 湖廣人

鄭邦佐 衢州人  
多恤民 政

黃彬 嚴州人

彭希賢 蒲田人

隆慶 蔡光卻 福建人

萬鍾大章 廣西人

陳瑞雲 蒲田人

劉省 平樂人  
祥簡易 慈

伍心臣 全州人  
繁明能折獄 才足 理

潘世元 靈川人  
却全亭 記

林濂 古田人

楊惟喬 玉山人

王可宗 深水人



張三光 武進人題

林大志 福寧人

黃立脩 漳州人

康嚴于屏 全堂人

高曰旦 孝感人

慕霽顏 靜寧州人

璩之琛 字含光河南孟縣癸卯科舉人

賀登瀛 成都人奉

曹令儀 錢塘人

順歐陽思 錢塘人城

尉英 膚施人

吳瑞祥 徽州人

方岱 浙江人

典史

洪武楊繼本 湖廣人

張文英

昌化縣誌 卷四

楊本

王永樂 王謨 汀州人

王嚴

羅通

符詢

宣德梁智 爵林人

正統陳聰 廣昌人

成化唐瑀 臨桂人

黃勝

景泰衛敬 雷塗人

成化李芳 廣西人

周斌 經營遷學

吳遇新 江西人

治陳順 湖廣人

正德全慶聚 柳城人

林森 富州人

嘉靖蔣紀 賀縣人

洪敘 福建人



王以愚 吉安人

高朗 湖人

趙天尋 廣西人

隆慶 林祚 福建人 退

黃芳 廣西人

陳衡 固安人

張四達 湖廣人

李尚文 長州人

董應龍 永康人

許正 福建人

李奇全 廣西人

陶伯宗 浙江人

萬陳秉乾 福建人 能愛民

蕭廷用 江西人

陳文伴

林鳳 惠安人

葉逢傑 錢塘人

嚴笈 上虞人

昌化縣誌 卷四

四

天啟 陳上聘 黃崗人

崇 王光初 蕭山人

張維新 南直人

黃嘉慶 汀洲人 身 親鑿築

順治 岳呈詩 陝西人

康熙 查懋賞 婺源人

葉拱宸 西安人

王國棟 浙江人

陳漢 字時夏 浙江歸安人

孫兆臨 餘饒人

陳一舉 人

俞大訓 州人

張廷佐 紹興人

楊春奎 山西人

張廷玉 山陰人

張猷 山西人

張薇耀 浙江人



教諭

洪武原慶江州人

正統羅彪南昌人

蕭敦江西人

正德郭納福建人

彭元高要人

包度連州人

申欽容縣人

吳敦海康人

永樂陳添

方杰莆田人

治虞賢馬平人

周燦吉水人

曾棟吉水人規模嚴整士民感慕

鄭邦彥福建人

黃棟歸善人

虞文晟臨桂人

昌化縣誌 卷四

五

朱泮福建人

王瞻之信宜人

隆慶胡明漢惠來人

萬甘志立橫州人

鄭士敞饒平人

朱顯

許士寅惠州人

吳懋德蒲城人

劉浙慶陵人

張大光福州人

莫祖光宣化人

鍾思孔東莞人

程大亨高要人

饒憲學新退人

楊大有歐寧人

葉成林建陽人

徐啟元蒲城人

朱廣保昌人



譚化龍 恩平人

天啟 莊士登 漳浦人

崇 鄒日就 永平人

陸應騶 番禺人

陳學錡 東莞人

林元蕃 平遠人

順治後裁革教諭康熙十九年復設

教諭

廖維 龍門人

林應璧 潮州人

勞吉登 開平人

郭勝瓊 南海人

訓導

正統 唐宏 全州人

郭顯 淮安人

昌化縣誌 卷四

六

吳倚 多福人

李欽 錢塘人

李謙 江西人

吳顯 定安人

曾鉷 萬州人

弘治 周諤 瓊山人

夏禮 江西人

江紀 江西人

黃華 廣西人

黃福 崖州人

正德 陳璿 福建人

馮鉞 浙江人

嘉靖 彭泮 遂谿人

王一經 海陽人

何崇憲 樂會人

蔡琅 仙遊人

陶涇 全州人

吳富 廣西人



昌化縣誌

卷四

彭 鉞 遂谿人

黃 侯 遂谿人

黃 鵬 茂名人

陳 經濟 廣西人

李克家 順德人

萬 黃 孚 新會人

顏 諫 化州人

李 顯 馬平人

鄧學成 曲成人

楊文鳳 湖廣人

何廷璧 德人

蔡朝諫 新安人

張上讚 冗山人

周耒鳳 信宜人

張廷宸 靈山人

崇 袁錫孝 香山人

王 鼎 雲南人

汪若霖 貴州人

杜英 雲南人

順 黃鼎鉉 程鄉人

吳 鳳 吳州人

康 黎曄然 英德人

梅憲魁 順德人

莫恒吉 英德人

陳 慶 順德人

千戶

正 王 寬 無襲

副 管 成

管 忠

管 謙

管 韻

管 廷幹

管 見

陳 觀



陳清

陳忠義

李元機

李如柘

王鼎  
以下無襲

劉福

王壽

王承祖

百戶

昌化縣誌 卷四

曾安

曾進

曾敬

曾欽

曾希文

曾國棟

陳昇

陳雲

陳盛元

陳灝

陳自雋  
以侵屯  
糧間軍

李福

李如椿

王偉

王璋

王瓊

曾珏

曾惠

曾銳

曾洪

曾希武

陳通

陳榮

陳勳

陳勛



陶英

陶泉

陶清

陶繼先

陶時雍

陶相

陶之珍

范貴

范貞

范謨

范蘭

范繼勳

范廷重

范廷玉

范朝彥

朱經

朱

吳源

以上無聲

昌化縣誌

卷四

九

吳忠

魏整

陳武

周豪

朱子明

杜偉

陳俊

鎮撫

卞恭

吳珍

路賢 俱無襲

順治以後城守俱僖營委署

人物志



官制備教化行人材出矣夫人物志

鄉舉

宋符 確 大觀間舉官至永議郎守部  
二郡方與志大觀三年進士

趙 荆 官至朝奉郎紹興  
二十四年進士

諸科

趙田驥 永福蘭  
麻鎮縣 符永寬 開封府  
知事

歐陽士榮 黔陽縣  
知縣 符 俊 永樂乙卯科  
交趾縣丞

符 進 辛酉科交  
趾縣丞 趙 勉 甲子科

趙 瓚 庚子科工  
科給事中 文 中 癸卯科萬  
載教諭

昌化縣誌

卷四

十

陳 暉 丁卯科朝  
陽知縣

吳天榘 治乙卯  
廣西僉事

萬周尚賓 戊子科華  
亭知縣

王大賚 辛卯科  
定安人

壽監

符翰高 安知縣

吉廷譽 交趾知事

吉永貴 南康典史

文 養 交趾判官

葉 潛 福安主簿

趙 海 交趾巡檢

唐 賢 交趾典史

陳公察 交趾縣丞

許子俊 當塗知縣

符 顯 交趾主簿

吳 慈 交趾巡檢

吉福舉 寧縣主簿



符進 辛卯舉人

李鳳 同安訓導

吳廣楊 監澄邁人

楊英 瓊山人

融 莊任

王 呷 監瓊山人

王朝隆 瓊山人

時明 監

王秉仁 瓊山人

張源 福安典史

蘇清 儋州訓導

趙昇 知縣

方啟 監左所人

錢鑑 邕州吏目

符轍 瓊山人

蒙宵 瓊山人

鍾士英

林時中 會同人

昌化縣誌 卷四

十一

謝廷瑤 澄邁人

吳天啟 天河教諭

任明 右所人

張統 融縣訓導

鍾瑚

謝英 監

陳守道

陳堯中

秦霄 監

王時雍 上高主簿

顏思誠

孫鼎

鍾一和 臨武訓導

劉大倫 監

蔡檜 桂林訓導

黎本江

史一山

林較 永福知縣



沈華 蕪州學正

傅世英 蕪州訓導

吳諛

李守和 瓊山人

周道 龍南至簿

曾應期 善化縣丞

沈心法 廉州教授

唐中 滕縣教諭

吳朝軾 潮州訓導

劉朝傑 監

曹士 太平府授

蔡濬 南康主簿

周禮 遂寧知縣

秦天挺

郭維垣

蔡文明 香山教諭

林有鶚 縣丞

黃仁

昌化縣誌 卷四

打效良 蒼梧訓導

鄭崗

許廷臣 瓊山人

吳世法 長興縣丞

秦旺 贛州經歷

王嘉言

羅授 南寧

王觀梅 山陰縣丞

秦珪

沈心融 武宣教諭

姚明

何所學

趙德光

李祥

王奮庸 澄邁人

林遷喬 瓊山人

梁思豐 瓊山人

王任重



林奇逢

羅日新 太浦訓導

沈胤和 福州寧德縣丞

郭子元

周文統

士亨 瓊山人

鄭悟

曾應儁 揭陽訓導

王直 思貢

王民淳 瓊山人

曾心得 河源訓導 桂林教諭

楊之俊 定安人

王之佐

文一元

甄養明

李世宗

王守敬 定安人

秦兆鼎

昌化縣誌 卷四

三

符繼芳

甘世胤 哲選

文尚志

符其初

王煥 定安人

周承詔

順治 張翔雲

金桂芳

吉士鵬

吉士伸

關達

文功昇

康熙 陳泗瀾

張世魯

許紹裘

吳憲章

甄和

文運熙



葉松齡

李化民

王家瑞

毛翀葉

吳恒讓

續載

國朝康熙年間

知縣

陶元淳

江南人戊辰進士  
有恩惠昌民愛之

何子澄

貴州人甲  
子舉人

吊化縣誌

卷四

十四

儒學教諭

馬日駿

順德人

儒學訓導

譚錫蕃

高要人

典史

丁世傑

直隸人

史周南

河南人



葉松齡

李化民

王家瑞

毛翀葉

吳恒讓

遊歷

名宦志

詩曰高山仰止景行行止雖不能及聞其風者

莫不興起也可曰榮名宦蹟聊備記載乎次名

宦志

漢路博德元鼎五年拜伏波將軍討平海南立儋

耳殊崖二郡

昌化縣誌

卷四

十四

孫 幸武帝末珠崖太守

孫 豹幸之子武帝末珠崖太守

馬 援建武十七年交趾女徵側徵貳反拜伏

波將軍擊平之撫珠崖調建城郭置井邑立珠

崖縣

吳陸 凱吳郡人赤烏中儋耳太守同將軍聶友

討珠崖有功遷建武校尉

陳馮洗氏世為南越首領幼賢明多籌畧當梁時

在父母家能行軍用師壓服諸越海南儋耳歸



附者千餘崗後嫁高涼太守馮寶寶卒嶺南大  
亂賴夫人懷集至陳以子僕為陽春郡守僕卒  
陳亡嶺南供奉夫人號為聖母隋立以所貢陳  
犀枕及兵符示夫人始集首領數千盡日慟哭  
乃服時陳佛智王仲宜反夫人遣孫盎討平之  
親披甲乘介馬張錦傘領毅騎護衛遂定嶺表  
高祖異之冊為譙國夫人仍開幕府置長史以  
下官屬賜臨極縣今崖州湯沐邑一千五百力贈  
僕為崖州總管平原郡公仁壽初卒賻物一千

段謚誠敬夫人

唐馮 盎譙國夫人孫隋亡還嶺表署酋嶺高法

澄洙寶徽等殺官吏盎集眾擒之遂有番禺蒼

梧崖池武德初降立儋樞崖三州

王義方泗州連水人貞觀末貶吉安丞開陳禮

樂人人悅順

李復貞元初轉嶺南節度使高宗麟德二年瓊  
東南諸鄉為黎獠所陷至是百有二十四年復  
始收克之奏置都督府以綏定其人



薛元明宰相振之後高宗朝刺史  
杜佑德宗時遷嶺南節度使珠崖黎民三世  
負險不賓佑討平之

宋李崇矩四州都巡檢太平興國間黎賊擾亂崇  
矩抵嶗撫慰以己財遣酋長衆皆降附居瓊五  
年不以炎荒嬰慮舊涉海者多艤舟以俟便風  
或旬餘或彌月崇矩皆一日而渡渡者無恙  
陳中孚字子正吉陽人紹興間知萬寧縣擢知  
昌化軍政舉民安子適繼守昌化有善政時人

昌化縣誌

卷四

六

愛之

裴聞義字子遷吉陽人紹興間以父廕補知  
昌化軍有善政

張中紹聖間知昌化軍與蘇文忠公善為構  
載酒堂解官北歸文忠三作詩送之

鄧富大庾人有智勇紹興間為諸寨長賊畏  
之呼曰鄧江南

元濶里吉思湖廣人至元二十八年督師削平生  
黎統兵深入黎巢盡空刻石五指而還祀府名宿



特穆石洛陽人至順任達魯花招赤黎建文德堂

明朱亮祖洪武初以征南將軍統師抵瓊恩威大布

廖永忠洪武初為征南將軍帥舟師由海道取廣東叅書高希賢草檄開諭珠崖儋耳皆納印請吏

耿天壁五河人洪武初以嚴州衛指揮隨廖永忠征進海南地方

錢 錢性英俊有文武材好賢禮士 治間符南蛇叛錢以廣東都僉未援兵不滿三千時賊勢正熾環海黎嶗各起相應錢獨勇氣百倍詢賊營所在率奇兵由間道殺守營者百餘人擒斬十計解儋昌之困以兼程冒雨致疾卒軍民皆哀慟之

毛 銳伏羌伯 治壬戌以兩廣總兵統兵討蛇賊號令嚴明所至大捷師旋之日一方晏然陶 英巴縣人為留守後衛中所百戶有姊病



癰老在室正統九年調昌化所扶姊同耒凡越  
山登舟岸貧無顧覓皆英親負之姊心不安一  
日舟浮大江姊潛投水英亦投救舟人拯之得  
兩活仍負到任奉之如母

董 俊時方新附俊有幹苟明禮法宣威德勸  
農桑興舉廢墜民黎樂業作興學校士類汲引  
湯 衡慈惠愛民直而不撓時上官鴛鴦為民  
害衡請于朝削其權俾統于州縣

陳 瓛慈愛勤儉處事有方縣田浮沙苦早教

民蓄塘後人賴之

周 振性慈愛教民務本抑耒先是縣治在二  
水洲中振請遷今治

藍 敏奏准水衝田一百一十九頃九十六畝  
該米五百九十石一斗零每石折納銀二錢五  
分昌利賴之

彭希賢愷悌樂易政平民愛捐俸砌街有長者  
之風

張三光慈惠愛民實心布政申請題豁虛糧禁



逐礦盜昌民思之

熊文燦湖廣人崇 七年兩廣軍門題豁昌化  
失額虛苗一百五十二頃五十二畝九分九厘  
一毫

此糧雖明末奉旨已豁而狐狸狐搨迄無成  
功然熊公一段苦心惠政固可沒乎哉時移事  
久人忘熊公之實心愛國而猶憶張君之實心  
為民夫為民正所以為國也嘗嘆天下之事小  
臣欲言而不能言大臣能言而不肯言是終無

可言之時也由此觀之張公為其難熊公為其  
更難以視舌敝頰禿而稟如充耳者何啻千萬  
哉在當時昌化之民方且生而祠之豈至今日  
無甘棠之思耶故特表而出之亦以昌人之心  
為心非敢曰楚人之曾有功于斯民也

學諭蕭 敦言信行篤善于啟迪捐資造祭器及  
諸賢牌

學訓黃 鵬師模端正信義服人捐資置學田貧  
生德之



流寓志

凡志書附流寓敘昔賢轍迹所經為山川重也  
于流之義未實也書云五百里荒服三百里蠻  
二百里流昌據南方極地君子之至于斯也要  
非無故而過從也志流寓非誕也東坡云茲逢  
竒絕冠平生可謂善處過矣先後至者非一例  
得併錄次流寓

隋楊 綸宗室滕王鑽之子性 厚美姿容頗解  
鍾律封邵國公後以誣怨望下獄煬帝除名為

昌化縣誌

卷四

二十

民徙珠崖及天下亂為賊林士 所逼携妻子  
竄于儋耳後居大唐為化縣公

唐李孝逸宗室中宗朝為左衛將軍武后親過之  
以李敬業功封吳國公威名稜然武承嗣等忌  
之嗣聖四年誣孝逸自言當有天子分太后以  
孝逸有功減死除名流儋州卒

韋方質京兆萬年人中宗朝地官尚書嗣聖七  
年武承嗣等用事宰相皆下之方質有疾承嗣  
三思往問之方質據牀不為禮或諫之方質曰



死生有命大丈夫安能曲事近戚以苟免于尋  
為周興所構流死儋州沒其家祀府名宦

宋蘇軾字子瞻別號東坡眉州人紹興中以御  
史論掌制日詞命譏斥先朝連三貶至瓊州別  
駕昌化軍安置初至四年七月二日至儋官屋  
以居有司猶未可寓城之東天慶觀結軒枕柳  
庵本傳作買地築基僖人運甕輦獨與幼子過  
處著書以為樂時從父老遊若將終身凡三載  
徽宗立移廉州元符二年五月詔六月二十四

日渡海更三赦復提舉玉局觀後卒于富州祀  
府景賢祠祀州特祠

蘇過字叔黨軾之子年十九以詩賦解兩浙  
路及軾為兵部尚書任右承務郎及軾貶儋獨  
侍之凡生理晝夜寒暑所須者一身百為不知  
其難初至海上為文曰志隱軾覽之曰吾可以  
安于島彝矣因命作孔子弟子別傳其颺風賦  
早行於世叔輒每稱過孝以訓宗族  
任伯雨字德翁眉州人徽宗朝居諫省丰歲所



上一百八十疏大臣畏其多言崇寧二年以黨事削籍尋徙昌化軍安置奸人猶未甘心用匿名書復逮其中子申先赴獄妻適死于淮報訃俱至伯雨處之如平常居三年而歸

析彥質字仲古撫州人號葆真居士紹興六年僉書樞密院事初趙鼎為相屢薦彥質後秦檜專相以彥質為鼎所引指為其黨謫昌化軍禮賢下士與僖寓士許廷會輩效司馬光真率會為鄉約五日一集太守李行中與焉後移彬二

十五年詔聽自便尋復官

李光字泰發上虞人號體物老人高宗朝參政紹興間以忤檜連謫瓊州安置居八載仲子孟堅坐陸升之誣以私撰國史成獄呂愿中又告光與胡銓詩賦倡和譏訕朝政移昌化軍論文考史怡然自適年逾八十筆力精健軍之亭堂多所扁詠又三年始以郊恩復左朝奉大夫任便居住江州而卒

葛延之丹陽人元符間東坡在儋耳自江陰擔



登萬里絕往見留一月東坡誨以作文法曰儋州雖數百家之聚州人之所須取諸市而足然不徒得也必有一物以攝之然後為己用所謂一物者錢是也作文亦然天下之事散在經史中不可徒使事必得一物以攝之然後為己用所謂一物者意是也不得錢不可以取物不得意不可以明事此乃作文之要務也

許珏字君瑤稱泉人久寓儋耳年九十餘精于易書論灾祥有驗蘇文忠公喜與談論每以

醴飲公曾有賦贈稱泉人許生是也及還以茶孟惠且屬曰無以為宵風明月之贈孟聊見意耳後為元樞密折彥質所得有詩謝許云東坡遺物未歸我兩手摩挲思不窮欲舉吾家阿堵物愧無青玉案酌公

許康民字廷惠珏之子從遊儋久居城東建炎間于大江橋建湛然庵以居與樞密折彥質效司馬光真率會為鄉約後彥質獲歸有詩留別王介石朝人常客于儋有士君子之趣東坡



初至時賃官屋數間居之後買地起屋五間在城南汚地之側茂林之下勞費貧窘介石躬其勞辱甚于家隸然無絲髮之求也常與許珏以酒食餉東坡感其意厚作詩為謝

巢谷字元脩眉山人紹聖初蘇軾與弟轍謫嶺南平生親舊無相聞者谷獨慨然徒步往訪既見握手相泣道平生逾月厭時谷年七十三瘦瘠多病將見軾于僦轍憇而止之曰君意則善然猶至僦數千里當復渡海非老人事也谷

曰我自視未即死也公無我也聞其囊中無數十錢轍方困乏亦強資遣之舟行有蠻隸竊其囊以逃獲于新州谷從之至新病死轍聞之哭失聲恨不用已言而致死又竒其不用已言而行其志雖未至僦猶至也

趙鼎字元鎮解州聞喜人高宗朝宰相為秦檜所陷連貶安置吉陽軍在軍三年深居簡出門人故吏不敢通問惟廣西帥張宗元時饋醪米檜聞之令本軍月具存亡申狀鼎先得疾遣



人語其子汾曰檜必欲殺我我死汝曹無患不爾禍及一家矣自書墓中石紀鄉里及除拜歲月且書銘旌云身騎箕尾歸天上氣作山河壯本朝遂不食而死天下聞而悲之明年得旨歸墓傳有墓在昌化

鄉賢

宋符 確沉靜好學博通經史平居常以天下事自任守韶化二郡有善政

趙 荆字道授初天聖間丁謂過昌化嘗為其

昌化縣誌

卷四

十五

家點墓穴後父夢一道士以手簡書荆字付之因名為欽高二州判官民懷其德

烈婦

張 氏諸生孫廣學妻同夫收獲郭外時符南賊亂黎賊散出夫婦俱被執歸崗賊欲釋張他置張正色曰即死吾夫婦必同處死賊怒出廣學殺之張氏堅抱夫號哭罵賊不絕口遂俱被害

陳 氏大南屯百戶陳榮長女贅本衛舍人溫



瀾為婿符南蛇亂統賊破屯時氏與三男併一  
女俱在執至途度不免辱厲聲罵賊曰我名家  
女夫氣何敢相污奪賊刀先殺其女遂自刎後  
二弟珊玠聞之募報者指死所收瘞其骸骨  
沈氏庠生吳曰英妻武宣教諭沈心融女潮  
州訓導吳朝軾媳氏時二十孀居歷八旬有二  
苦志堅操常變不移順治九年署縣事徐斌  
暉詳院給扁曰栢舟繼美月給米三斗供養  
終世

附災異

乙酉夏月颶風雷雨七月黎水記濫漂蕩民居  
淹沒物畜冲埋田土順治十年癸巳秋月雷雨  
連月流漲壅城水災較乙酉為甚

乙酉仲夏縣治之東十餘里蛟蛇自石嶺騰空  
勢若雷轟黑霧冲天石嶺崩頽流赤血經年戊  
子仲春烏鴉千餘集縣堂榕樹晝夜喧噪是年  
冬叛逆掾城貽離析之禍順治十八年辛丑昌  
境竹林生花結實



康熙十一年閏七月二十三日颶風之灾湮没  
官舍民居城郭墩臺漂没田地從古未有十三  
州縣同日受禍奉  
兩院題准軫恤

昌化縣誌書卷之四終

昌化縣誌

卷四

二十七



昌化縣誌書卷之五

藝文志

尚書五十餘篇唐虞三代之文也毛詩三百餘篇商周列國之風也傳曰子產有辭諸侯賴之辭之不可以已也昌江之僻衣冠禮樂之盛在子瞻已稱之况卓然存闕于政教之大者乎次藝文

洪武二年十一月宣諭海南

蓋聞古先聖王之治天下也一視同仁無間遠近

昌化縣誌

卷五

一

况海南海北之地自漢以來列為郡縣習禮義之教有華夏之風者乎頃因元政不綱群雄並起朕舉意除暴所向廓清師臨南粵而爾諸郡不煩于傳檄奉印未歸向慕之誠良可嘉尚今遣使者往諭朕意爾其益盡乃心以輯寧其民爵賞之錫當有後命

勞海南衛

南溟之浩瀚中有竒向方數千里歷代安天下之君必遣仁勇者戍守地居炎方多熟少寒時忽瘴



雲埋樹若非仁人君子豈得而壽耶卿等率壯士連歲戍此朕甚念之

表到昌化軍

蘇軾

並鬼門而東驚浮瘴海以南遷生無還期死有餘責臣中謝伏念臣項緣合會偶竊寵榮曾無毫髮之能而有山之罪宜三黜而未已跨萬里以獨來恩重命輕咎深責淺此蓋伏過皇帝陛下堯文烟煥湯德寬仁赫日月之照臨廓天地之覆育辟之蠕動稍賜矜憐俾就窮途以安餘命而臣孤老無托瘴癘交攻子孫痛哭于江邊已為死別魑魅逢迎于海上寧許生還念報德之何時悼此心之未已俯伏流涕不知所云

記峻靈王廟碑

蘇軾

古者王室及大諸侯皆有寶周有斑琰大玉魯有夏后氏之璜皆所以守其社稷鎮其人民也唐肅宗之世有比尼若夢恍惚見上帝得八寶以獻諸朝且傳命曰中原兵久不解腥聞于天故以此寶鎮之即改元寶應以是知天亦分寶鎮世也自



徐聞渡海歷瓊至儋耳又西至昌化西北有山秀  
峙海上石峰巉然若巨人冠帽西南向而坐者里  
人謂之山落膊而後漢之世封其山神鎮海廣德  
王五代之末南彝有望氣者曰是山有寶氣上達  
于天艤舟其下斲山發石以求之是夜大風浪駕  
其舟空中碎之石峰之右彝皆溺死儋之父老猶  
有及見敗船于山上者今猶有釘石存焉耳天地  
之寶非人所得睥睨者晉張葉使其客雷煥發豐  
城獄取寶劍佩之終以遇禍坐此也今夫此山之

上上帝賜寶以奠南極而貪冒無知之彝欲以力  
取而已有之其誅死宜矣元豐五年七月詔封山  
神為峻靈王用承議郎彭次雲之請也紹聖四年  
七月瓊州別駕蘇軾以罪謫居海南三載飲鹹食腥凌暴  
月詔徙廉州自念謫居海南三載飲鹹食腥凌暴  
颶霧而得生還者山川之神實相之謹再拜稽首  
西向而辭焉且書其事碑而銘之山有石池產有  
紫鱗里人不敢犯石峰之側有荔枝黃柑得就食  
持去即有風雲之變銘曰瓊崖千里塊海中民彝



雜居古相蒙方壺蓬萊此別富峻靈獨立秀且雄  
為帝守寶甚嚴恭庇廕嘉穀歲屢豐大小道遙逐  
蝦龍鷓鴣安棲不避風我浮而西今復東碑銘燁  
然照無窮

附重堽峻靈王廟小記

張三光

昌江志載東坡先生峻靈王廟記云漢之世封其  
山神鎮海廣德王而峻靈王之號封自何代何年  
顧闕畧無稱焉余覽而竊怪之意先生博綜今古  
豈其徵遠遺近必有脫簡無疑迨考居僖錄僖州

昌化縣誌

卷五

四

州所載皆然恨先生全集遠未能携無從是正也  
頃因驅斥鑛盜欲絕其易種之患憶先生為帝守  
寶之言祈王陰殛舉記中誅死南彝事以請諸生  
王之佐見予文稿恍然感觸忽來告曰蘇學士碑  
石今什昌江獨村幸尚無恙公得無意乎余初謁  
王廟即詢先生碑記絕無知者聞之喜躍于是命  
彼倌人亟輦以來誣吉而豎之王廟之中軾錄石  
上文讀之有元豐五年七月詔封山神為峻靈王  
用部使者承議郎彭次雲之請也二語令余夙疑



項釋爰取志書僖錄參對并紹聖四年七月共少  
二十七字蓋元豐五年亦七月兩七月字相同當  
時書人一時誤看失簡遂致脫落耳計王之膺封  
閱十五年而先生謫於此又閱三年先生徙廉州  
辭王而撰此文又閱二十八年昌令何公請祈公  
書而刻之石縣治時在昌江二州中獨村近縣定  
是王廟故址又閱七十八年縣徙今治王廟亦徙  
峻靈山之隈而碑乃埋荒草深沙中矣又閱一百  
三十八年而後乃今始得復歸王廟夫偽朝之封

昌化縣誌

卷五

五

王弗歆也宋秉正朔其封號至今尚之已經明賢  
次述而反脫落于流傳之記載倘王之所養養不  
慎者宜其默啟予心而逗漏筆端以作之合而名  
諸世也不然遐荒之域誰得讀先生全集即嚶嚶  
好古者不過折衷僖昌兩志止耳峻靈所由封毋  
乃竟湮滅不彰乎嗟呼是碑之隱見說者以為觀  
古蹟之晦明庸詎知吃緊專在此二十七字耶余  
特表而揭之以著王靈如此

真一酒歌

并敘酒以未麥  
水三者為之

蘇軾



布筭以步五星不如仰觀之捷吹律以求中聲不  
如耳齊之審鉛汞以為藥策易以候火不如天造  
之真也是故神宅空樂出虛躡鞠者以氣升孰能  
推是類以求天造之藥乎於此有物其名曰真一  
遠遊先生方治此道不飲不食而飲此酒食此藥  
居此堂予亦竊其一二故作真一之歌其詞曰  
空中細莖挿天茫不生沮澤生陵岡涉閱四氣生  
六陽森然不受螟與蝗飛龍御月作秋涼蒼波改  
色屯雲黃天旋雷動玉塵香起搜十裂照坐光跏

跌牛唯安且詳動搖天闕出瓊漿壬公飛空丁女  
藏三伏遇并了不嘗釀為真一和而莊三杯嚴如  
侍君王湛然寂照非楚狂終身不入無功鄉

乳泉賦

蘇軾

陰陽之相化天一為水六者其壯而一其穉也夫  
物老死于坤而萌芽於復故水者物之終始也意  
水之在人如山川之蓄雲草木之含滋漠然無  
影而為往來之氣也為氣者水之生而有形者其  
死也死者鹹而生者甘甘者能往能來而鹹者一



出而不復返此陰陽之理也吾何以知之蓋嘗求之於身而得其說凡水之在人者為汗為涕為淚為血為澀為淚為涎為沫此數者皆水之去人而外驚然後摩形如有物皆鹹而不能返故鹹者九而甘者一一者何也華池之真液下湧于舌底而上流于牙頰甘而不壞白而不濁亘古之僊者以是為金丹之祖長生不死之藥也今夫水在天地之間者下則為江湖井泉上則為雨露霜雪皆同一味之間是以變化往來有逝而無竭故海舟之

泉必甘而海雲之雨不鹹者如涇渭之不相亂河濟之不相涉也若夫四海之水與凡出鹽之泉皆天地之氣也故能殺而不能生能稿而不能沃也豈不然哉賦曰吾謫居僊耳卜築城南隣于司命之宮百井皆鹹而醑醴重乳獨發于宮中給吾飲食酒茗之用蓋沛然而無窮吾嘗終夜而起挈瓶而東有月望之相隨無一人而我向汲者未動夜氣方歸鏘瓊佩之落谷灑王池之生肥吾三嚙而適反懼守神之訶訕却五味而射六塵悟一真而



失百非信飛仙之有藥中無主而何依渺松喬之安  
在猶想像於庶幾

颶風賦

蘇軾

仲秋之夕客有扣門指雲物而告予曰海氣甚惡  
非祲非祥斷霓飲海而北指赤雲夾日而南翔此  
颶風之漸也子盍備之語未卒庭戶蕭然稿葉藪  
藪驚鳥疾呼怖獸辟易忽野馬之快驟矯退飛之六  
鷁襲土囊而暴怒掠衆竅之叱吸予乃入屋而坐  
斂衽變色客曰未也此颶風之先驅爾少焉排戶破

牖殞瓦擗屋礮擊巨石操榘喬木勢翻渤澥響振  
坤軸疑屏翳之赫怒執陽候而將戮鼓千尺之清  
濶翻百仞之陵谷吞泥沙于一卷落崩崖于再觸  
列萬馬而並驚潰千軍而爭逐虎豹聳駭鯨鯢奔  
蹙類鉅鹿之戰敷聲呼之動地似昆陽之役舉百  
萬于一覆予益為之股慄毛聳索氣側足夜拊榻  
而九徙晝命龜而三卜蓋三日而後息也父老耒  
耜酒漿羅列勞耒僮僕俱定而說理草木之既偃  
輯軒檻之已折補茅屋之罅漏塞墻垣之潰缺已



而山林寂然海波不興動 自 鳴者自停湛天  
宇之蒼蒼流孤目之熒熒忽悟且嘆莫知所營嗚  
呼大小出於相形憂喜因於相逼昔之飄然者若  
為巨耶吹萬不同果足怖耶蟻之緣也吹則墜蚋  
之集也呵則舉夫嘘呵曾不能以振物而施之二  
虫則甚懼鵬水擊而三千搏扶搖而九萬彼視吾  
之惴慄亦爾汝之相筦均大塊之噫氣奚巨細之  
足辨陋耳目之不廣為萬物之所變且夫萬象起  
滅衆怪炫耀求髣髴于過耳視空中之飛電則何

之所謂可懼者實耶虛耶惜吾知之晚也

伏波廟碑記

蘇軾

漢有兩伏波皆有功德于嶺南之民前伏波即離  
路侯也後伏波新息馬侯也南越自三代不 有  
秦雖遠邇置吏旋復為彝邠離始伐滅其國開  
郡然至東漢返側二叛海南振動六十餘城漢世  
祖初年天下民勞厭兵方閉玉關謝西域况南荒  
何足以辱王師非新息苦戰則九郡左衽至今矣  
由此論之兩伏波廟食于嶺南均矣古今所傳莫



能定于一自徐聞渡海適珠崖南望連山若  
有脊于一髮耳艤舟將濟股栗喪魂海上有  
祠元豐中詔封忠顯王凡濟者必卜焉某日  
乎必告然後 使人信之如度量權衡必  
欺者嗚呼 德孰能如此自漢以來珠崖  
或置或否楊雄有言珠崖之棄捐之力也不  
麟易我衣裳此言於當時可也自五代中原  
之人多家如此今衣冠禮樂乖乖然矣其可  
棄乎四州之地以徐聞為咽喉南北之濟者

波為指南神其可不恭某以罪謫儋耳三年  
還海北往返順風無以答神貺乃碑而銘之  
險莫測海與風至幽不仁此魚龍至信可恃  
公寄命一葉萬仞中自北而南洗汝胸撫循  
必精通自南而北端汝躬屈伸窮達正直忠  
人英沒愈雄神雖無言我意同

學校王政之本也自唐虞三代至治之世未  
學所以明人倫崇教化以長育人材而化成



也周衰至春秋之際學校廢缺雖齊晉之國晏嬰叔向之明賢曾無一語及于學校魯熹公能脩泮宮而詩人詠歌其德鄭惟子產不毀鄉校而仲尼追稱其仁蓋古之學者以聖為師而專師孔子則始於鄒魯之士當時諸侯雖不能盡用而四方學者翕然從之其徒至于三千升堂入室者七十有二人雖疑難問答其畧見于論語皆入道之門也自衛返魯然後樂正雅頌各得其所三綱五常之道賴以不絕故孟軻所謂自生民以來未有盛于

夫子者又曰以予觀於夫子賢於堯舜遠矣豈迂論哉故自兩漢而下推為素王天子之尊亦北面拜跪薦祭非道足為百世師言足為天下法疇克當之我宋之興至仁宗皇帝始詔大臣問治天下之要當時條對者咸以學校為語熙寧元豐以及崇寧大觀繼志述事必以是為善嗚呼盛矣皇上龍興雖遭多難而專以仁恩覆育海宇乃詔中外謹庠序之教以設大學之制士生斯時豈非十載之過哉海南自古無戰場靖康以中原紛擾而此郡獨不興兵里巷



之間晏然如承平時人知教子家習儒風青矜之士日以增盛郡試如有司者三百餘人舊學卑陋下偏民居頻年以來士氣不振周覽四維乃得方爽之地於郡城之東南隅平原迤靡氣象軒 黎阜昌江拱揖映帶得陰陽之中占一城之勝龜筮既從人謀允協由是學錄躬率諸生告于郡守陳侯適守既樂從四鄉之士莫不奔走就事富者樂于出財貧者樂於出力而宮殿益隆獲古象于名家而廟貌增煥華冠象佩之容遠稽於鄒魯郡賢

昌化縣誌

卷五

十三

列坐之次取法于上庠御書有閣講筵有堂齋祭有室什物有庫誦讀之舍列于兩廡賓客之佐附近三門繚以周垣崇以列戟固足以起邦人欣慕之心增後學進脩之志士有不肄業於學官者則鄉人笑之矣自朝廷罷舍法省教官之員後生無所從覺觀經者多守於俗說閱史者或不思於全文僥倖因仍以苟且近利而已今如斯學之成也士皆激昂奮勵講先王之道考六經之文稜氣遷革日趨于善而不自知教化興風俗美然後為學



之成也紹聖間蘇公端明謫居此郡有遊城東學  
詩云云蓋嘆之也今一十餘年學者彬彬不殊閩  
浙異時長林秀民業精行成登巍科膺顯仕者繼  
踵而出予雖老矣尚庶幾及見之經始于紹興辛  
未之春落成于明年之冬故逐之至此得與士子  
杖策相從宵等又皆宿學及前輩喜與逐客遊一  
日樞衣踵門以學記為請念方老病廢墨硯既辭  
不復因書其大畧如此紹興壬申歲冬

### 南寧軍記

昌化縣誌

卷五

十三

原儋耳自前漢時始為郡與珠崖並繼 而隋而  
唐郡名更革不一既改儋耳郡為儋州又改儋州  
為昌化郡至宋改昌化郡為昌化軍紹定壬辰因  
瓊酋長王居處與本軍管下合羅黎人符先邦等  
構運擄時人議謂昌為倡鬼敗亡化為人操戈之  
狀昌化二字不祥以是本軍於收復後有太守孫  
公丹舉申其事於上端平乙未准旨改昌化軍為  
南寧軍以合羅崗立為歸姜寨南寧與萬安吉  
田舊隸瓊管舊隸於桂闕若云風俗微惡民生



休戚於彼實察之然一島遠隔鯨波漢刺史唐孫  
訪皆憚于涉險宋大觀一年提刑王公祖道渡海  
觀風謂黎地質袤都縣稀踈奏請立鎮州于深黎  
地名龍門隸邑有三曰四達曰感恩曰龍門為附  
庸舊傳龍門有灘名知更鹽州人常以灘聲五點  
後再起一點為每更候自提刑王公去後大觀四  
年州亦隨廢其版籍貢賦隸之昌化軍擬宜倫縣  
舊用鎮州四達縣記其學舊用鎮州考試院記則  
此可驗自時厥後巡按者如李如崖相繼攬轡雖

澄清有錄亦自瓊而止南寧吉安萬安鞭所不及  
伏自聖王革命薄海內外一視同仁歸附初首立  
嶺南海北道提刑按察司至元二十八年更為肅  
政廉訪司第以海南黎獠頑冥未盡歸化是年冬  
闕里吉恩斗章欽奉罷命督師南未征收深崗未  
附生黎自瓊萬吉陽已而平師道經于此時三十  
年之春也至三十一年間奉准設立海北海南道  
肅政廉訪司監治凡十郡海北則雷化欽廉高橫  
海南則瓊萬南寧吉安然此四州環島百崗蟠中